

光緒重脩茂名縣志



茂名縣志卷八

紀述志第六

藝文

鶴林遺稿二十卷

明進士大理寺少卿李學曾著見舊縣志

拙宦存稿四十六卷

明進士浙江按察司副使李一迪著

東洲集三十二卷

明進士太僕寺卿李邦衍著見李氏贍馥集

吹劍編十卷

明舉人李元暢著

前後比征稿二十卷

同上俱見舊縣志

葯房稿十六卷

同上見李氏贍馥集

順德歐大任序

歷代帝王世紀二卷

國朝周承權著

五經蠡測十卷

同上

讀史偶得十卷

同上

茂名縣志

卷八紀述

藝文

輿圖要畧二卷

同上

博博議一卷

同上

環竹居文集十卷

同上俱見舊縣志

敬軒文集

國朝拔貢蘇李秀著見李氏贍馥集

簸月軒內外集

國朝拔貢李培芳著

元關偶啟

國朝副榜劉談著

菽帛家言

同上俱見舊縣志

易通

國朝歲貢梁宣賓著

極通

同上俱見舊縣志

恆峯文集

國朝進士梁聯德著採訪册

省齋文集二十四卷

國朝舉人李正著見李氏贍馥集

四書講義

同上採訪册



墨未乾而長吉從之符鑿至鳴呼淚滴成珠如入
鮫人之室撫戶長慟幾崩把國之城斯時也九死何
辭惟念高堂之母一身奚恤九憐懷腹之孤三世單
傳一綫未絕於是盡心竭力而課讀寒霜忘却三冬
歡屢勉惟憑十指籌燈火而難讀以備陳竊怪心已
境淒其不堪彈述窮途險阻難以備陳竊怪心已成
灰何事性仍似蠶女工之暇不怠披章藥餌之餘靡
疎筆硯續以竹枝之調譜為薄命之詞或短句或長
篇祇憑胸臆而灑淚或五言或七字多因景物以摠
懷鳥語花香聊把琴書為伴侶更闌人靜應同明月
作知音冷雨淒風聊以代歌而代哭盈箱充篋祇應
供笑而供嘲何圖宗工哲匠破格憐才宿學鴻儒欲
棗梨始可就正於君子是為序貽笑於方家竊欲借
欲蒐訪近代幽貞之士懷才秉節軾軻終身志行不
少變其翰墨流傳於世往往令讀身者如見其為人
敬而識之若乃薄於性情倫一紀立身本末無可稱
徒以文辭之工誇譽傳誦於一時久則泯泯爾又多
乎哉余讀傲霜吟而慨然嘆也嗟乎豈獨士君子哉
傲霜吟者茂名節母鄒梁氏所作也重光大淵獻之
歲余主高州書院梁生伯昌仲光兄弟貽余一編三
復之纏綿悽鬱一往至情不必有意求工而流露自
然非講求格律聲病之士所能及余洒然異之他日
仲光出所著節母生傳畀余益得悉其生平傳言母

茂名縣志

卷八紀述

藝文

三

年十九適同邑鄒君瑞熊再期而寡事孀姑以孝撫
遺孤至成立今年六十有八矣茹荼集蓼未嘗一日
廢筆硯性情吟詠自其幼而已然余觀三百篇中若
柏舟綠衣雄雉于飛君子于役諸詩類皆婦人女子
遭時之變而能不失其性情倫紀之正夫子刪詩與
學士大夫朝廷郊廟之什並存蓋匪直以其辭而已
矣太雅既醉之詩口釐爾女土傳謂如士女之有士
行者若鄒節母茲非其人歟抑嘗聞之粵中前代有
潮陽周伯玉妻郭氏以才畧稱三水葛高行妻文氏
以苦節稱皆有撰述行世而近百數十年間南海王
氏瑶湘番禺方氏彩林所為詩亦多膾炙人口是編
所以自見猶足以風勵世俗况翰墨之流傳又斐然若
此然則士君子立身行已自有本末甯為淡淡焉文
辭之工而已歟因爲之序且以示梁生兄弟云

三崑山房詩草二卷

吳川國朝舉人招元傳著採訪册

發性情然非學之博無以資採擇非才之雄無以妙
變化非氣之盛不能言人所難言非辭之婉不能發
人所未發而法即行乎其中昔三百篇尚矣一變而
楚騷再變而兩漢三變而魏晉至六朝之末陳隋之
間駸駸有近律之意唐遂因之有古體近體之分此
詩一大升降之運亦詩一時元始之音故後世言詩

者宗焉雖其間沈雄鉅麗蕭疎淡遠各得性之所近
未有不兼茲五者而能以自見成一家言友人畫
招君勤學好古於書無所不窺尤肆志於詩憶昔
借北上相與涉彭蠡過匡廬上孤山窮天門出瓜步
登金山絕頂以瞰大江西由榔嶺航洞庭陟岳陽
黃鶴之樓升大別以觀漢水入江遂渡河懸鄒魯陳
衛之郊凡聖賢所託足遷客騷人所寄目無不低徊
憑弔多見之於詩時雖與之倡和恨未得窺全豹也
丁丑以後宦輟分馳余既簿書鞅掌畫亦屢移青
輿鱗羽罕通者幾二十年懸車後雖常相邂逅未獲
竟夕言歡丁酉之夏畫筵需次省垣余亦萍蹤乍合
因出其所著虛廬深廬二草見示其虛廬皆未仕以
前之作深廬則既仕以後之作并囑一言為序余受
而讀之古體則汪洋恣肆陽開陰闔近體則簡鍊端
摩玉節金和而其詣之深造又似與年俱進殆所謂
才學辭氣之皆得而又深於法者歟畫筵賦性瀟灑
交情懇摯覽斯集皆可於言外遇之書日詩言志信
矣余於詩譬如以門外人談門內事敢云言中竊念
與畫筵交最深既忘余固陋以誌向往之私云爾
見畧書數語用冠簡端以誌向往之私云爾

三岳山房芳草二卷

鴻泥雜記四卷

茂名縣志

卷八紀述

藝文

四

欽州得碑錄一卷

元傳孫生員招書麟輯

古今孝子所見錄十二卷

李氏國朝歲貢李燕昌編輯見

古籍學樂之年即泛覽墳典史乘家世儒冠頗有藏
書而又時遊諸故家舊俗苟有一篇之奇即有三
之癖且賦性如獬豸讀古人書見有不忠不孝者未
嘗不怒髮衝冠欲誅之於既死見有忠臣孝子未嘗
不太息泣下低徊往復而不能去也見聞日廣久欲
輯忠孝譜敦倫錄續高士傳列女傳等書而時有未
暇近時偶有所感見末俗之親而不知事甘蹈
孟子所論世俗不孝之五者比比然而又痛念生平
十五失恃中年失怙於吾親未及一飯之養罔極之
思未報萬一乃樹欲靜而風不寧子欲養而親不待
瞻言蓼莪痛念蘭陔中夜興懷未嘗不飲泣而嗚咽
也因思不孝之罪如燕者既已莫可追矣今人幸有
親在堂可不急思承歡稍報萬一庶免後日之痛哉
夫鐘以有所撞而鳴機以有所觸而發孩提之愛蘊
於性天嗜慾雖深此理未嘗淪喪苟有物以觸之則
火然泉達自有不能已者所謂思親不可不以觸之
人信矣爰就生平所見孝子所謂思親不可不以觸之
以類從每類就生後附以見孝子贊錄之成帙條分
雅然欲急於成書故亦未暇修飾書成以所見名篇
愧未廣也不敢問世藏之家懶以貽厥孫子當知交

之贈言吾子孫其時出觀之庶幾觸發性天及時
盡孝免至風木興悲如予之罪無可追也則幸矣

新輯廣列女傳二十卷

二十一史皆男子之春秋也而女子之形管未彰焉
夫陰教與陽教並重而謂就外傳者有教在中饋者
遂可無教乎雖丈夫有刑于之化然以男子教女子
不若以女子教女子之為親切易入也雖古者傳母
有設然以一人傳一人不若以眾入而傳一人之易
為力也抑坤德與乾德並稱而謂稟陽剛者有可紀
稟陰柔者遂無足述乎雖女子之賢散見於雜錄諸
書然散而徵之不若聚而觀之之美錦成章也雖正
史之內間有列女然代而紀之不若彙數十代而紀
之之寶山積玉也夫發潛德之幽光揚玉臺之芳烈
黜婁豬之可醜斥牝雞之包羞紀之銀管藏之名山
是即女史之春秋也振木鐸於閨中懸金鑑於閭內
使香奩少艾觀覽而欣羨生心金屋蛾眉聽聞而興
思效法由是蕩滌邪穢歸於賢淑是即女子之模範
也然則列女傳之作顧不重哉雖前人有所書久垂於
世然狹而未廣今僕述而廣之倫也惟是詞義淺陋
幾近之擬以子雲之僭經非其倫也惟是詞義淺陋
文采未彰陸士衡取以覆瓿宜其然矣蔡中郎秘之
枕中何敢望哉

茂名縣志

卷八紀述

藝文

五

蘭谷詩集一卷

國朝貢生鄧茂英
舉人何淮序

緘石集六卷後編四卷古今體詩一卷

國朝舉人吳
徽敘著採訪册

脩撰吳川林召棠序嘉慶辛酉吾郡以拔萃科舉
者家辛山吳香樵兩先生皆以積學能文章鳴幸山
予雁行同縣邑又同居京邸時相酬唱甚狎香樵先
生十年來一再晤旋別去即之温然聞人之頌先生
者為肅然以未數數讀其文章為憾也癸卯秋先
生門下士孝廉黃君配三哀先生雜文古今體詩示
已二載矣辛山喜交遊自簪纓先達及詞人文酒之
會多倚裳聯纓探奇訪古襟被勇往故其文卓犖個
儻聲生勢長繁稱博引以氣自豪先生沉潛靜退充
養有道氣和而守介性定而神完其於文也取之浩
博而涵而揉之入之深微而淬而發之滌濯於風露
而蛻出於塵滓其他駢四儷六鏘金樓絃伐山取材
儀古製範蓋應規入矩含氣清剛而能自運其意匠
者也先生隱居奉母踰四十年邦大夫都人士奉贄
幣請為模楷修內行篤親故襟度和藹而風采軒翥
友人談其一二軼事足追古人而從之然則先生之
可傳者詎僅文章而已哉辛山中年自刻其見星廬
詩作令湖湘未竟其用而歿其用而歿其用而歿其
安得敦古誼如配三者盡搜採之與先生並傳哉

德流文集一册

國

恩貢梁仲光著採訪册

大學詳箋二卷

國朝舉人楊廷桂著採訪册

中庸詳箋五卷

同上

論語詳箋十五卷

同上

今考定禮記六卷

同上

自序西漢宣帝時梁人戴德

江太守同受禮於東海后倉德集古書傳之言禮者

八十五篇為一部世稱大戴記至東漢時馬融增月令

堂位樂記二篇共四十九篇南宋後朱子復舉大學

中庸配論孟為四書實存四十七篇即今所存之禮

記是也是書大小兼賅本木脩具除明堂位仲尼燕

居孔子閒居等篇有義謬而文蕪者餘皆可為萬世

之經所措者二藏君隨手鈔錄無門類無次第參差

顛倒錯雜凌亂讀者或難於融貫耳閒居無事為兒

孫學禮計因舉四十七篇別訂之為六卷第一卷始

內則終燕義此八篇著平治之上儀也第三卷第四卷

言喪禮者凡十三篇第五卷言祭禮者凡四篇此十

七篇詳慎終追遠之文以綱維五教之大也第六卷

藝文

始禮運終樂記此十二篇挾性道陰陽之粹以通乎

威儀度數之源不徒能述而且能作也述者之謂明

作者之謂聖也或者謂變亂古經之舊拘學詈之而後

事惟其是耳費直變周易古經之舊拘學詈之而後

世卒宗之杜預變春秋傳古經之舊拘學詈之而後

世又宗之平心而論何者於揆理為長何者於成功

為易乎且定哀以前詩之舊本殘缺失次孔子更定

茂名縣志

卷八紀述

六

古文準三十二卷

同上

自序歲庚戌取生平所誦讀

以至於騷體辭體其為體也十有七所以闡義理之

精而涵泳其性情之正也自綱目體志體以至外傳

體雜傳體其為體也九所以習史官之典而發摭其

勸戒之心也自詔冊制救以至獻檄札論其為體也

十有七所以宣王命詳國是勸民事資學古入官之

用也自序記書啟以至行狀碑誌其為體也十有九

所以廣學問申情愴揚徽美備交游日用之需也書

既成名吾兒惠元而告之日嗚呼今之學者日游於

茂名縣志

卷八紀述

藝文

七

混沌氏之域而作刑天之舞其有志於誌經談道
 志陸典表獨行傳往哲之真以垂於後世者吾未之
 見也甚則膠庠呼其亦不能書騶券成僮約通一札於
 市廛之賈嗚呼其雜之學可以涉其籓也其廣其途非
 因陋就簡蒙昧犇雜之習而尊之途徑者固至明且
 分其類以發學者之情書以道政事儀禮以謹節女周官
 切也詩以理性焉總天下之奧而渾言之有春秋焉
 以飭百度有易焉書詩三禮之成案而詳言之其
 臚天地之蹟以備易書詩三禮者有如是也詩為謳吟之
 於道博而賅然備而不混者又有所謂嗜之深而措之備矣
 體書為議論之體春秋之傳命其弟子為敘述之體易之
 為訓詁之體春秋之傳命其弟子為敘述之體易之
 後日屬辭比事記實摩神之體而即一詩之中復別
 而為國風之體小雅之體大雅之體三頌之體其於
 文也博而賅然備而不混者又有所謂嗜之深而措之備矣
 衛反魯然後樂正雅頌各得其所聖人於是乎分其類
 焉豈惟詩哉殆即詩以示人使人之廣其途分其類
 而推及於一切也夫然後於學問之中有所謂嗜之深而措之備矣
 而可以待用於世也孔子歿於六經終自周秦漢魏南
 北朝唐宋元明以迄於今作者大備坊本所選既簡
 陋不足道而其餘錄富又僅就朝代之次第彙之不
 分其體讀者如游深林密葦之中既出之後渺不憶
 其路徑而欲其有所得於己而俗其用於世也亦
 難乎昭明太子天姿英卓文選一書雅識斯意惜乎
 其體不備其文多穠采浮藻則局於風會韓柳歐蘇
 諸大家猶未出而沉溺於應陳曹陸之餘波故全書
 之中求其邃於理洞於事豪於氣深於情者或寡也
 予之為是書也補昭明之闕求無戾於聖人之旨而
 時博其趣好學熟玩而有得焉則誌經談道議論記
 述各有以自得於已而自陶其歲月而發策奏疏飛
 書馳檄賤取贊頌弔祭碑志隨其所用而無不給其亦
 異乎甘心於混沌氏而無所用其恥焉者矣江都
 蔣超伯序謝赫云畫有六法謂氣韻也骨法也應物
 象形與隨類賦彩也經營位置與傳移模寫也文亦
 何獨不然經營位置傳移模寫歷代相襲一絲不爽
 馬遷國語即韓柳曾王之準周官禹貢即方言之法言
 孫樵皮日休輩之準檀弓新序晏子春秋即魏晉人
 諸小說家之準太抵古文最重規矩都京各賦七發
 七啟如出一手如在古時絕不致道而馳蓋皆有
 所謂準者存也茂名楊君嶺隅淹博而沈雅出其
 輯古文準見示分門別類批郢導窾掬精摘微從如
 羸以至本朝從易春秋以至碑乘靡纖或遺靡華弗
 擷其輕重之劑不失圭撮可謂嗜之深而措之備矣
 夫善馭者得之於街斯應之於轡善為文者得之於
 古斯應之於今學古者從此而求之將進止周旋高下
 長短莫不中節豈古者從此而求之將進止周旋高下
 月長短莫不中節豈古者從此而求之將進止周旋高下

北行日記南還日記三卷 同上 自序道光十五年冬

京師夏四月南還其往也由西道歷荆豫青冀四州

之域舟車之間成北行日記一卷其返也由東道歷

究徐揚三州之域舟車之間成北行日記一卷其返也由東道歷

蔣公前為高州守見而嘉之為題詞於卷端屬余付

之削剗氏余為此去返遊記不足災梨棗也然亦有

不忍棄者蓋以余往返之餘頗足以資卧遊之樂而於

勝水奇蹟芳蹤摹繪之餘頗足以資卧遊之樂而於

梅花嶺郭巨史閣部於滕縣表許顯昭夫婦於歎管敬仲

深惡乎郭巨史閣部於滕縣表許顯昭夫婦於歎管敬仲

之於肇慶江溯其上游於金陵城舉其形勢於洞庭

湖而正則慎重防陰雨之微意存焉至若過鄰陽

正八十二歲大魁之謬知古今書傳中承訛踵謬其

有拉雜後人之辨正者良亦多矣悉隨每日常之所得

而拉雜後人之辨正者良亦多矣悉隨每日常之所得

日之遺忘而府超伯序曩傑樞垣薛給事書堂以問余

虎率為請顯皇帝詢之首揆彭文敬公公以問余

茂名縣志

卷八紀述

藝文

八

余曰楚豫所爭在三關平靖武陽黃峴是也即盲左

對如余言其後置臣亦云不必急虎牢非所急翼日公

益信前言之有徵覽此編者勿以為尋常行篋書也

嶺翁賢阮蓉浦太史郵是編問敘於余余守高涼三

年知嶺翁最與蓉浦交亦最篤安敢以不文辭而

廣郡事繁日不暇給求觀山鑑水逍遙坐嘯之樂豈

復得哉爰綴數語以誌欽佩云爾巡道陸心源序

余左遷高涼訪士於蔣叔起廉訪首稱楊嶺愚孝廉

陳麗秋比部楊蓉浦太史三君皆負時名而孝廉年

尤高望尤重著書尤富及今春抵任與比部太史相

見如平生獨孝廉以養痾山中不得見余擬造廬過

訪咨以治之要案牘填委卒未果余未既太史以

孝廉所著北行日記南還日記問序於余余惟遊記

之源蓋出於史家之支流宋以後作者踵接然往

瑣屑穢雜無關於法戒故自石湖放翁而外傳者甚寡

自序已詳言之余謂猶未盡也如於南華寺而著紅

粉花翎之句則杜少陵之詩史馬於南華寺而著紅

祖肉身之非則昌黎公之關佛焉於韶關而記關史

之搜索於高唐而記徐君之善政慨然深望治之心

焉於樂昌而辨昌黎書之偽於東阿而辨深望治之心

謬確然見考古之學焉於平石墟而知盜賊之歸臺之

嚇於黃石磯而知軍心之所由識定聞高州陳金缸
焉蓋孝廉學博而才高氣剛而識定聞高州陳金缸
之亂七民遷徙一空孝廉獨由鄉人居城中協和官
吏隨方設守城賴以完嗟乎孝廉軍畿輔太史明春亦
不竟其用也今年比部奉命練軍諸記相證明獨余
將赴都心能記其所經歷與孝廉諸記相證明獨余
六走燕趙四過齊魯不能有所記述執筆書此良用恧然

嶺隅文存

嶺隅詩存

偶吟餘賸詩稿

寬饒狂牒訴復盆集是非在豪芒亦思以丹事與眾
猶聰彊沙苑倦遨遊炎海今回翔適逢宗亂冠七
鳴且將可憐特亮民半作枯柳僵先生活國手洞見
垣一方新詩韻金石壓倒蟻喬棠捷疾逾響報造化
難隄防仕宦何足榮兒官自取忙慌慨誦君詩激烈
惟酒牀八賦不脫字或以大集見示夔牙接響孔翠羣
尋尺量嶺隅先生以蕭范陸而鎔之一鑪者也因
翔蓋合昌谷香山尤蕭范陸而鎔之一鑪者也因
和課童種樹詩韻用誌頌佩之私云廣陵蔣超伯

茂名縣志

卷八紀述

藝文

九

樾蔭山房詩文集

國朝廩貢楊鯤元著採訪冊
元宇天池道光乙酉鄉試取中魁卷

以三場漏寫
策目見遺

鑑畧韻語

後成書脫藁滿屋無一非正字精力備瘁實
為史學一大統宗朱子繼修綱目予奪不假加以發

明質實體例尤嚴直接麟經之旨談史學者至是而
登峯造極矣自時厥後作者輩出各目紛如天台大
次風先生又為年表一書三代以上列世次之大都
自秦六國至明洪武皆以年紀臚列如畫以為初學
之便實宜家置其書鯤元樗材耳此事何敢妄談第
以韻語易於記誦比來家居無事竊取通鑑作截句
百首其荒遠世號事有可稽者悉本雲間姚張兩先
生通鑑學要為次其體韻每依古法總期辭不害意
於課餘閒講訓幼子非敢出而問世也適西粵李
公春舫番禺吳公臥廬遇訪披閱之下謂是書洵有
裨於初學勸加箋註付之梨棗且屬見寄於是命兒
姪輩輯註手為刪節每詩約註百餘字而於歷代事
蹟則括而出之務使展卷瞭然庶訓者不致費辭而
讀則可以終篇於幼學或有小補若較之全史則管
窺蠡測之譏又烏能辭吳川舉人孫大焜序小學
之教散見六經而戴記尤備如曲禮檀弓丙則少儀
諸篇綜而論之皆有次第可得而言然卷帙浩繁難

於翻閱朱子本之以作小學凡四卷託始胎教言自
在母也難非成人之不相及其教固已異矣今闕中重
才也難非童子試奉論功令於初覆後必試以小學
此書凡校童子試奉論功令於初覆後必試以小學
論一篇如無以違式論誠人德之門也友人揚君天
池好古能文嘗於暇日綜覽全史及國祚短促者或以
明輯為七絕百首其荒遠難考及國祚短促者或以
一首而囊括數代其賢聖代作享國長久者或以數
首而紀一朝意在借詩記事非欲以詩見長俾小子
後生叶音韻易於記憶異日博覽史傳擴而充之如
舊相識亦朱子纂小學之志云爾然朱子之意在收
小子放心以成其德天池之意在借小深遠矣是為
於文皆大有造於弟子而朱子之意在借小深遠矣是為
瑄能文士也余歲科兩試俱拔置高等並閱所作古
今體詩矩矱有法詢其家學因出其先人舊著鑑器
七截百首請敘於余校士餘暇披而閱之覺上自太
古下迄有明借詩紀事叶以音韻俾易於記誦洵便
蒙善本視蒙求鑑畧諸書雖未知孰為高下而鄉塾
之士勝衣就傅使習此一編以畧識古今免終身面
牆之誚則其為益良不淺矣宜
同時諸君之讀而歎歎而服也

享帚集詩文

超伯國朝舉人梁汝瑛著採訪冊知府蔣

茂名縣志

卷八紀述

藝文

十

藥亭瀑布之水也予幽澗之水也國初英賢蔚起
就詩而論嶺南三家實卓然於時今竹君廣文享帚
集詩得獨澗之堅藥亭之秀翁山之渾初不矜奇炫
異作口口口口口口語溫純和雅讀者神快可以度諸
名山而壽之文梓矣爰誌數語於簡端云

本學居時務集

陸國朝歲貢梁汝璠著採訪冊巡道

心時務官鶴山訓導十年謝病歸閉戶者書不入城
市丁卯夏因其族子舉人子京以所著本學居文集
問敘於余余為選定若干篇而敘其端曰古之文與
道合今之文與道歧古之為文者或以闡道或以述
政或以闡幽或以明志如是其與道合也不亦宜乎
今之為文者能優以為古如媚配偶以為道歧也不
為奇句摹字仿以立身如無文歐陽氏之及物愚以
歐陽氏謂文章可以為古如身政事可以及物愚以
不足以及物則有文不如今觀梁君之文不必高語
魏以後及物則有文不如今觀梁君之文不必高語
規仿八家而其氣充似水心進卷其言確似宣公奏
議坐而言可以起而為千古言文者之口實聞昔年
明失明而言者春秋傳為千古言文者之口實聞昔年
尚未邁以足疾不與人事而讀書不輟其成就當未
可量也

水學居詩集同序

四書便檢三卷同上

本學居駢體文同上

四書史證六册國朝歲貢譚守義著採訪册 自序

以史事穿穴貫串具有識解不僅讀書取四子所言證知人論世之資也自序言畧仿困學紀聞日知錄為之實期與王浚儀書為尤近然王顧兩書得後人注攷訂而益明顯是書徵引繁博間有小誤當據原引之書正之且一注其所出以成善本是有望於劬書媚學之君子矣光緒丁亥八月

問梅集一卷廷槐著採訪册

玉閨女史詩選國朝帥堂梁氏女著原繡餘吟草有氏歸信宜歲貢李樹德享年七十六歲有子龍光同治庚午舉人諸子孫多列膠庠

養中山房詩稿二卷國朝吳川林召棠序

望未見齋詩書草一卷國朝歲貢容福培著採訪册

茂名縣志 卷八 紀述 十一

秋田詩文集國朝增生容錫成著古今體詩一册 聯玉綴風動雲飛極似吳穀人祭酒又與錫成書云世人不可重汝文者以汝科名不達也存稿後世必有

者細音

平何凌紀畧一卷國朝處士黃澤泉著採訪册

辛壬日記一册國朝豐運司提舉陳政新著記

康熙初脩茂名志知縣江西南周振聲序茂名之中疆邑山川吏治人民仕隱以及食貨戎備風流名勝之屬舊

悉統於高涼志申考之邑之往哲代不乏人但因循附載不思創修而今則聖治休明萬姓熙洽血氣之倫名無專書也今則勤盛典茂名雖僻處南服然而咸思獻圖貢琛以共勤盛典茂名雖僻處南服然而首隸高涼豈竟無專志以備後人參稽也乎余以甲子冬來令茂心竊怪之每思廣詢博稽微文訪獻庶幾綜核舊章增華軼事俾得勒成一書用備輶軒之採然而任劇理繁披取匪易有志弗遑也會上檄徵茂名志亟乃奮然曰徵在令可快所欲為矣其有專書也夫於是屬學博羅君澄董其事借邑之神士周承權吳顯庸周承宣吳麟徵輯參之旁求探

茂名縣志

卷八紀述

藝文

十三

矢公矢慎按摩往籍補其闕畧不閔月而是昔告成
 鳴呼撫卷之間感慨繫之矣夫茂之為茂猶是土風
 也昔何以雍穆今何以紛澆也猶是田賦也昔何以
 殷阜今何以凋瘵也猶是矜士昔何以鵠起蟬聯今
 何以絃塵簡盡也兵燹之餘饑饉而後誠有御國之
 所不及繪而采風之所不及陳者雖其時使然乎抑
 亦牧是民者力猶未能挽也聞之世郵隆則勝事亦
 勝之事以起茲茂志新成邑人鳧躍余亦誠求保赤
 勉圖綴又將見茂之為茂土風之紛澆者或變而亦
 穆乎民物之周播者或至於殷阜乎田賦之追呼亦
 前者或亦輸將而恐後乎矜士之絃塵簡盡者或亦
 駸駸然復覩其鵠起蟬聯之意下以成斯民樂利之
 上以副國家簡命之成乎噫志成而治成治成而志
 將承其傳而與茂之筆山鑑水并壽無疆矣後之君
 子接成籍而展新猷幸無忘其所自始焉可爾皆康
 熙丁卯孟夏知縣嘉善錢以壘序郡有志省有志
 地莫非王之為一統志而要必以縣志為之基古云尺
 髮之國莫不賓服率俾雖語言所不能通舟車所不
 易到猶將奉版章按圖籍以獻諸天子豈屬在嶺
 西高涼郡之首邑去京師不及萬里如茂名者願可
 一無所紀載以資史官之采輯乎哉考自重譯來朝

指南歸國久已親聖人之教化習中土之衣冠千百
 年來尊正朔以聽治安耕鑿以謀生非復越裳之舊
 矣志之者司牧之責也乃策仕南來由今溯昔不知
 凡幾曾未嘗勒為成書豈以嶺表國屬蠻荒嶺西尤
 為奧遠不得與諸任齒乎然何以鄰封如化州如電
 白如吳川石城皆有志也若以茂名附郭郡有志縣
 志不必志是有粵東志而廣州志可廢也有一統志而
 直隸志可廢也此又不然大約壤地褊小無名山巨
 川足以並稱於岳瀆無至聖大賢足以當三吳之一鄉
 其地磽瘠其俗儉嗇其財賦不足以為志即古采風問
 輿為揚之無甯隱之夫郡邑之所以事以志即古采風問
 俗陳詩納賈之遺意非欲鋪張其事以誇大其詞以炫
 美也據其實而備列之或宜因循或宜變革務使燦
 然可曉何以隱為十載前豫章周君振聲令茲土倡
 為邑志而究未梓行猶未免於隱之見也今之聚
 族而居者一姓不滿數百人亦各紀其先世所由來
 以成其譜牒不必皆金枝玉葉也同榜七人文章科
 也况茂邑明成祖時捷於南宮者同榜七人文章科
 甲之盛埒於名區雖嗣後稍衰猶是嶺西冠冕迄無
 專志缺典也若必待我而成之者余視事兩載有餘
 土俗民情十悉八九於於是即周君所草創者從而討
 論之從而修飾之從而潤色之我朝一統志已成
 無俟細流以資滄海但使自今以往茲斯土者知所
 以為政生斯土者知所以立身是則余壽梓之意也

夫庚熙
己卯

康熙續脩茂名志

猶多所畧逾康熙已卯余齊年友錢君以塏留意商確蒐羅掌故遺文如官師食貨土習民風興釐澆樸之故縷析條分梓為四帙亦既微而彰曲而備矣獨是仕秩遞遷人材日盛孝義廉節係於倫常禮樂文章關乎風教時至事起亦司牧者所不能辭也謀諸紳士僉唯唯唯唯之因為僭筆續之參以通志合以輿論無掠美無溢詞如曰阿好徇人
余則何敢昔康熙五十二年甲午

雍正續脩茂名志

知縣陝西孫士傑序茂之邑乘向以附郭無專書周君振聲雖採輯郡志行匱省撫臣檄修各府州縣志俾上達史館彙成一統志典綦重也余承乏茂名攷茂名古越裳地自指南歸國以來久服聖人之聲教而專志尠成書康熙已卯今大宗伯錢嘉善蒞茂始編以壽梨棗迄甲午邑令孫君士傑續之距今又幾二十年所其間學校祀典配封躋享賦役兵防裁減移撥以及科名日興節義遞出覃恩曠典未經紀載者不一而足余奉 憲檄卽與署教諭黎君琦訓導洪君雲齡商訂採訪并敦請邑名宿梁雍郎周熙仁劉談黃金樹入局纂修衷諸見聞準之輿論缺者增譌者正不敢執已不敢徇人就孫令續本因門分補書成將付剞劂爰弁數言於簡端匪敢自謂蒐羅罔闕亦以昭 聖世懷柔之盛云
雍正八年庚戌

茂名縣志

卷八紀述

藝文

三

嘉慶重修茂名志

知縣汜水王勳臣序天下事有志者與邑長相助為理洵不朽之盛事也茂邑學宮壞於書缺幾近百年以土瘠民貧又為積虧之邑難於脩復嘉慶乙亥秋余下車謁廟目擊頽敗宇側然傷之訪求邑乘而史以板片無存對且舊志亦乏收藏者遇上官徵志則以郡志應之地方凋敝此可概見丁丑八月月上丁集邑紳議修先重學宮捐廉首倡眾皆踴躍從事戊寅冬工竣其經費詳載廟記惟志尚未遑修余適奉檄權順德事趣赴任同年友邑孝廉吳君香佩招君畫望暨諸紳社道郭門臨別贈言憚諄諄以修志事囑余兼顧已卯春同里戴東塘先生蒞攝高州郡篆卽由郵以修茂志事預請鑒定先生欣然董其成署茂令奈蘭泚明府開局採訪時則招孝廉館於高廉朱觀察官署吳孝廉主高文講席延之分纂都人士其襄厥事僅數月邑志竟脫稿告成是秋吳招兩孝廉致書於余以手訂目錄及各部小序見示并囑余弁言余雖謏陋不文竊幸多年未修之書一旦修之在官未完之事他人完之匪直學宮美備而徵文考獻傳流後世供觀風者之採擇余亦得

災祥

明

甲午成化十年秋七月高州文廟產芝三莖黃府志

戊午宏治十一年秋七月初昏有大星自東南南抵西北聲

如雷同上

己巳正德四年秋九月高州地震阮通志

乙巳嘉靖二十四年五月朔日有食之星晝見吳川志

戊申二十七年秋七月大水府城西南樓及南岸隍崩黃府志

志

壬申隆慶六年大饑

乙未萬曆二十三年夏六月大旱饑

丙申二十四年夏大饑

茂名縣志

卷八紀述

災祥

十五

丙寅天啟六年大有年斗穀錢七文

癸未崇禎十六年府堂後榕樹烟騰接天

甲申十七年冬府署東井溢凡三日二鼓羣鷄鳴凡三夜

大水山崩蝗饑俱同上

案井溢鷄鳴亂離見聞錄作十七年正月事署東

作郡獄三日作七日

三月朔日食葉中均見一眼孔天昏地黑慘變異常

案此條明史不書舊府縣志亦不載惟吳川盛志

及亂離見聞錄均書之甚詳

國朝

丁亥順治四年秋八月大水府縣志

辛卯八年冬大蝗

壬辰九年夏大水城淹四尺陷黃塘電白堡各墟民舍

癸巳十年夏四月大水

甲午十一年冬大雪十二月星變王志作十年

丙申十三年虎蹂北郊

虎至北門白晝噬人守道李皓禱廟作驅虎文以禳之時因兵燹後民居鞠爲茂草李與城守官王自功竭力招徠民始安集

戊戌十五年笏竹實黃府志

己亥十六年各縣大水電白免同上

庚子十七年夏大雨如注雷火燒區道士家府縣志

甲辰康熙三年夏四月大雨雹秋八月地震同上九月彗

星出東南王志冬十月彗星經天長庚生芒 十二

茂名縣志

卷八紀述

災祥

十六

月十日兩日相交亂離見聞錄

乙巳四年春正月五日巳時兩日相交如去冬樣初十日

巳刻又兩日相交亂離見聞錄冬十一月郡城火

丙午五年春三月地震秋八月大風傷稼府縣志冬十月雷

王志

丁未六年三月北鄉大雨雹王志

己酉八年六月大水同上

甲寅十三年大有年黃府志

乙卯十四年春三月六日辰時天有二暈交加一紅一白

紅大白小日在二暈交加之中暈外生二小圈似耳

亂離見聞錄

丁巳十六年春二月井水溢黃府志有聲數日乃息井在北門外廩

牛張捷家

王志

辛酉二十年八月雪殺晚禾饑府縣志
壬戌二十一年夏五月有蝶數萬自西北來從東北去

秋七月颶風拔木 冬大雪

癸亥二十二年大有年斗穀錢五文連三歲大熟

丁卯二十六年大雨山崩

辛未三十年不雨江水絕流

癸酉三十二年大有年三歲皆大熟

丙子三十五年鑑江水光數丈三夜乃滅俱同 秋旱穀不

熟黃府志

丁丑三十六年春大旱饑同 縣丞署火王 秋七月螟黃府志

乙酉四十四年笏竹實大有年

茂名縣志 卷八紀述 災祥 七

丙戌四十五年大有年

戊子四十七年大有年俱黃府志

己丑四十八年大水城淹四尺餘民居漂沒知府吳柯知

縣孫士傑煮粥給食施錢築室府縣志

庚寅四十九年郡城鎮前火知府吳柯知縣孫士傑施粥

給錢 夏六月大雨雹 歲大饑

壬辰五十一年大饑斗米千錢繼以大疫死亡過半知縣孫士

傑有粵民饑詩

甲午五十三年秋大有年

癸卯雍正元年大有年

戊申六年春正月城東火知府黃文煒給錢被災家為築

室費俱同

己酉七年秋八月二十五日北城火燒兵民房草屋六十

餘閒臘月十日又火北城外草屋十二間十九日城

西樓上藥局又火瓦屋五間草屋百八十三間延及

大陵驛署草屋三間兵丁死者九人俱據總兵陳倫

碑詳原舊縣府志冬十八日城西樓藥局火延燒局

民二百餘閒知府張兆鳳知縣虞金銘捐俸恤之

丙辰乾隆元年大有年府縣志秋大風拔木黃府志

乙丑十年大旱同上

丁卯十二年秋八月龍見小華山王志作十一年

戊辰十三年春三月雨雹黃府志

癸酉十八年秋九月大風雨壞城垣廬舍同上

乙亥二十年春三月郡城火夏五月又火府縣志

茂名縣志

卷八紀述

災祥

六

城逼山臨水編茅以居水火二災迭見民甚苦之巡

道王槩任後每遇災捐俸賑之復率屬及紳士捐銀

一千一百一十七兩四錢九分命城居耆老擇人營

運呈官核實以贍災黎繼又貸民築室易瓦分歲償

還俾永賴焉

戊寅二十三年大饑同上

庚辰二十五年大有年黃府志

辛巳二十六年六月大風

甲申二十九年蝗傷稼俱同上

己丑三十四年彗星出長數丈王志秋七月大風雨地震黃府志

辛卯三十六年天雨果如彈子大入地生土茯苓府縣志

饑黃府志

壬辰三十七年夏饑同上

癸巳三十八年夏六月大風雨拔木毀廬舍同上

甲午三十九年八月大風拔木發屋池魚上飛府縣志

丁酉四十二年秋大旱蝗黃府志

戊戌四十三年大饑賑濟

總督楊景素巡撫李質穎以高廉兩郡饑捐發賑銀六千兩布政司姚成烈本道李廷揚知府殷長立暨各州縣官各捐廉銀買米助賑地方紳士亦各捐輸本道李又請動倉穀碾米於秋後定價五錢一石買穀還倉三月開倉平糶按照戶册丁口多者買穀一斗次者五升又次者三升至五月止貧生不願領賑

茂名縣志

卷八紀述

災祥

亢

者牒學開報名數各給穀一石社倉發給籽種耕租多者給種二石少者一石或數斗不等六月早禾熟糧價漸平勸諭各鄉借助牛種俾春間未種荒田補種秋禾是年辦理賑濟石城官紳尤為盡善黃府志

秋九月地大震 冬大有年俱同上

壬寅四十七年九月九日地震有聲府縣志

癸卯四十八年六月二十四日大水 秋八月大風拔木

發屋俱同上

甲辰四十九年八月大風黃府志

丙午五十一年旱

己酉五十四年秋七月大風癘疫大行 冬十一月雷

辛亥五十六年春二月地震俱同上 大水上宮灣湧出一洲

甲寅五十九年饑黃府志

辛酉嘉慶六年八月大風拔木發屋王志笏竹實黃府志

己巳十四年秋八月大風

庚午十五年春三月穀價騰貴 秋八月大雨

辛未十六年六月彗星見

丁丑二十二年秋八月大水

庚辰二十五年秋九月大風雨

辛巳道光元年大有年

壬午二年夏六月大水

邑中水高出地丈餘房屋坍塌四百五十一間南關

及曹江淹沒男女十三口府縣捐撫卹銀五百餘兩

茂名縣志 卷八紀述

災祥

二十

秋大有年俱黃府志

癸未三年府署榕烟接天粵中見聞錄

甲申四年夏旱穀價貴

乙酉五年大有年俱黃府志

庚寅十年三月大旱穀價騰貴採訪冊

丙午二十六年五月大水白川根子蒲牌河壞廬舍尤多

甲寅咸豐四年四月飛蝗蔽天損禾稼

丙辰六年春正月大雪河魚多死夏六月大水官解領地

民房漂沒無算道府縣各官捐廉賑卹署府教授德揚康大

行丙辰六月十六天如墨雨箭紛飛射河伯河伯挾

怒鼓波濤大占民居作水國蛟龍噴氣冲斗牛千軍

萬馬奔中流晉陽不沒僅三版突兀孤城天際浮旬

旬雜沓傾房屋前聲未斷後聲續聲聲不辨南北哀

宛似歲除聞爆竹低處樓閣隨波濤高處沮沒下

搖傾山倒海防不及性命頃刻輕鴻毛喧呼小兒驚

人聽涕泣號天天不應城門水已突闌閣縱有舟旋
沒來徑山山城無船備驅馳惟有石船堪救死石船隱
伏亂流中不見神仙空復爾西關大直勇如熊急流
猛退真英雄喧言拒賊不拒水避君三舍升高曠斯
時我在明倫堂堂高水勢還強梁紛紛挾梗來逃避
過涉滅頂魂飛揚水囚已脫向敲赫攜女攜男攜六
畜那料諸生習禮場撩亂哀鴻爭止宿傷心遍地皆
瘡痍溼雲黯淡聞啼饑羣說嶺南例無賑誰能為民
一紙破格
陳丹墀

丁巳七年夏四月大饑斗米千錢巡道蔡徵藩捐錢運米

平糶各鄉紳領倉穀賑濟

庚申十年正月初三日地震有聲

甲子同治三年春正月寒甚牛馬多死

乙丑四年夏五月二十七日石骨墟石狗嶺墜下大石一

片聲聞數里

丁卯六年秋大有年

茂名縣志

卷八紀述

災祥

三

戊辰七年秋大有年

庚午九年謝雞大路坡等處多虎巡道許道身懸賞擒之

辛未十年秋大旱

戊寅光緒四年縣東多虎患巡道何應祺懸賞擒之

何應祺為
虎患告神文德政不脩則天降災禍以示警此守土
者之咎也聰明正直之謂神捍災禦患之謂神人力
既窮則仰籲於昭赫濯之靈冀紓其剝膚椎心之
痛此亦神之所哀矜也官失其職官之過也神沛其
澤神之所以為民依也以官之過至使民罹其禍而
神復漠然視之則此蚩蚩之民既已罹禍於官又不
能徵靈於神而民且大惑矣茂名縣屬朗韶新洞大
坡等處自去歲以來人畜斃於虎者不可勝計雖懸
賞購捕時有擊獲而其患益熾向聞虎不可勝計雖
夜分今則白晝橫噬向聞虎不可勝計雖夜分今則
或排闥入室或越牆登屋或偽為人聲以誘人有數
村無一夫者有一家連斃數口者悲痛警擾幾不聊
生謂神之不知無是理也謂神知之而故縱之尤無
是理也謂官之失職乃不致罰於官而徒毒吾民又
無是理也夫災患之生無不各有感召之理洪範五
行漢儒言之甚詳茂名民風儉樸初無奢侈悍獷之

習徒以地瘠民貧每因衣食之艱致違仁讓之誼有衣冠之族而恃眾搶割者有同族兄弟而蒸嘗致訟者有視結盟拜會為尋常而不知語涉悖逆者有讀書士人唆訟圖利者此外誣告之風溺女之習皆足以上干天和而官斯土者雖無貪酷之輩然胥吏不盡守法盜賊不盡緝獲誣告不盡嚴懲羈押人犯不盡清理或以錢債細故緩置不問不知官衙之小事即民間之大事也或以人證未齊任遲不催不知數日之候審即一月之生計也有因含冤而上控者不即飭訊而屈抑不伸有圖翻案而上控者不即飭訊而張復起州縣之精神分於肆應既已困於酬接而難有真切愛民之心道府之耳目蔽於近習但知責承屬吏不復思表率督察之職民俗如彼吏治如此虎之為患有由來矣應禱署任高廉將及兩載為時較久為職較崇則罪較大今特致誠於神之前罪之在應禱者應禱當之罪之在屬吏及民者應禱不能轉移化導應禱亦當之毋徒苦吾民為也仍與官紳互相勸誡以期洗滌積習仰邀神之佑助加賞設法鼓舞丁壯各路搜捕極其力所能為必盡除凶類乃止幽明之理不甚相遠山川之靈鄉社之祀度亦各有專司今官承其罰人省其過神亦當思其職之所在其何以驅策百靈禁戢兇暴不測之用非世人禱之所能知而實應

春三月大雨雹屋瓦破壞

茂名縣志

卷八紀述

災祥

三

己卯五年早晚稻歉收穀價涌貴

辛巳七年春三月初二日雨雹大如茶盃

乙酉十一年春三月大雨雹屋瓦破壞

丙戌十二年春穀價涌貴茂邑義倉平糶 秋八月大旱

邑紳士辦洋米平糶

丁亥十三年春辦洋米平糶發義倉穀 縣東虎暴知府

楊霽知縣鄭業崇懸賞捕之 秋八月初二日大風

雨屋宇毀大木折俱採訪册

兵事

元

戊寅至元十五年夏六月知高州李象祖降茂名縣潘惟

賢死之黃府志

時元兵猖獗人爭降附惟賢奉命守白沙寨有勸之送款者賢厲聲曰忠臣不事二君我為宋臣當為宋鬼耳被執罵敵死子斗輔以救父故亦赴敵死

庚寅至正十年海寇麥伏破郡城同上

明

丙戌成化二年茅洞流賊鄧公長犯高州知府孔鏞降之

同上

茅洞去府城十里公長於諸賊中最勇悍郡中人情

茂名縣志

卷八紀述

兵事

三

洶洶鏞靜鎮之一日令四疲卒昇肩輿直抵賊寨賊

驚喜迎之鏞為陳禍福賊大感悟泣下遂釋甲降

辛卯嘉靖十年陽春猺賊趙林花陷高州同上

陽春西山德慶東山新興石壁諸巢賊首趙林花全

師安盤世寬等恃險剽掠嘗攻陷高州掠帑去騷擾

數年至嘉靖十二年提督侍郎陶諧檄惠潮守備張

祐等調兵六萬三千三道並進破寨百二十五俘斬

三千八百獲賊屬三千七百以捷聞

案阮通志作十一年春

辛未隆慶五年冬十二月倭寇復攻高州知府吳國倫參

將陳豪走之同上知府吳國倫詩戰城南贈陳將

贈之鼓振振風翹翹高涼城南殺氣驕太守行營面
倉海將軍擁燾干青霄援兵不向秦庭乞死士先從

越舊招白羽初開魚麗陣全軍赴敵如爭泉裸奔豕
突鋒正銳重圍已合前山腰登壇目中無片甲大呼
一戰收羣妖前旌競獻番王首餘醜雜沓成穿離千
家拭淚聽鳴凱三山瞬息陰氛消將軍鐵面萬人敵
臨戎叱咤迴長飈迴長飈激洪湖金虎為符冠紫貂
呼琴滿引車乘椀與君萬里看銅標不貢火珠匿聖
之國東南彝裸身被毳雕其題白雉入郡都瘡痍
朝干羽曾羈縻飛艘萬里破潮汐鼓刀入郡都瘡痍
高涼山城大如斗比屋常搜豺虎口年來一旅拒三
關捲甲環戈僅相守妖氛昨夜撓欖槍驚我老倭半
奔走吁嗟此孽從何來長鯨巨鱷排風雷九首天吳
豈助逆六鼉無力三山摧若道孤城垂纍卵高涼太
守安在哉輕裘緩帶五花馬親提義卒屯中野千人
殊守奮登陴將軍卻是從天下前驅漂疾如縱鷹羣
鳥紛紛毛血灑僕姑射火光照天陰風十里吹腥膻
羣奴面縛成魚貫酋首分馳太白懸殺聲未已歡聲
振轅門奏鼓何填填椎牛饗士解戎衣一騎浮雲露
布飛白猿黃石非吾畧赤心視死真如歸萬姓安危
在反掌書生豈敢攘天威 冒起宗後里麻行吳太
守國倫以古文辭詩歌名隆萬閒隆慶五年冬倭犯
高州吳與參戎陳豪擊敗於里麻有里麻行子作此
追美之君不見魏邦吳起夙爛兵未聞筆陣能縱橫穆
以律又不見魏邦吳起夙爛兵未聞筆陣能縱橫穆
廟守臣吳明卿楚材表表揚芳聲屈宋馬斑腹笥盈

茂名縣志

卷八紀述

兵事

三

一麾五馬來高涼島彝蹂躪民倉皇平地驅濤肆鱷
鯨桓桓文武掃檣槍里麻營壘布六韜率旗海嶠雄
風豪雕戈忽駐扶桑日強弩仍平萬里潮直以偏師
當八面東突西馳疾焱電魁結負創獻馘多宴我名
城與赤縣一戰功成粵嶺東姓字於今輝志傳誰言
隨陸乃無武半壁從茲久安堵予來講事觀樓櫓遐
思昔日奮鼙鼓眼前奕奕
猶斯斧臨戎折衝在樽俎

癸未

十七年春正月囚越獄刳庫殺官捕得誅之

同上

府縣兩監囚越獄刳庫知府鄭三謨遇害把總黃翼
龍率兵捍禦不克死之邑人周省心之子周冕素善
武藝首追捕囚黨擒獲伏誅

同上

案十七年正月二十五日獄囚譚聖典

因窩賊被囚

統

囚反殺知府鄭三謨於堂并鄉民數百率黨聚博
鋪茅坡把總黃翼龍董萬權率兵攻之擒聖典於
茅坡窰窰梟斬與府志黃翼龍捍禦不克死之不

符又府志載周冕首追囚獄擒獲冕有膽力順治四年與各縣義士百餘人不甘剃髮同起義兵八年冕鎮守吳川營已三年領弁兵征岑鬱被箭傷退回沙坡發熱浴塘中吐血死俱亂離見聞錄

國朝

乙酉順治二年秋八月西賊王之吉犯府城鎮兵破走之

同上

賊駐曹江鎮兵擊之大捷賊黨散走淹沒過半之吉死水中

秋九月狼賊韋翅鳴犯府城署知府方象乾參將孫維翰破走之同上

翅鳴雙花狼賊也率眾千餘偪犯東城象乾與維翰

茂名縣志

卷八紀述

兵事

三

率兵拒之會賊謀鄧義和為南城鄉勇所擒遂連夜奔竄象乾等乘勢追擊斬獲以千計翅鳴西遁十一月擒獲解府誅之

亂離見聞錄是時各鄉練總捉賊甚嚴茂名藍溪之張百袋吳川芷芎之陳長腳二俱授首惟信宜狼總韋飛狗因朱姓占其狼田告於方海防憤方枉法率黨數千犯府城屯劄於枕頭嶺以下缺失

丁亥四年春二月

大兵定高州

同上

總兵方國泰副將趙國威周朝李之珍陳武等統兵至高州士民郊迎安堵

秋七月廣西施上義陷化州至石鼓我師大破之上義

復會諸軍來攻遂陷府城同上

上義既敗復糾姚春登陶本堯陳于緘等共圍府城會古道元郭勇等亦率其黨自信宜至四郊殺掠一空十二月城中糧盡開門降副將趙國威周朝奔電白

亂離見聞錄廣西施尙義葉標領明太師陳邦傳承歷劄付招兵恢復一時叛黨復萌施葉擁至數十萬眾破化州困高州城數月不下施葉委黨楊世貞帶兵守梅棗十一月高州方周趙三鎮被施葉圍困四閱月殺馬為糧幾至人相食始投降後解至陳太師處奏永歷俱封為官又梅棗上三十餘里之柳高塘村為閩人所據推洪維新主盟葉標引兵攻之小梁

茂名縣志

卷八紀述

兵事

三

村梁執中係高塘黨爭近地招兵與歐孝廉光宸相殺互有勝敗吉兆譚傍等村被高塘黨晝掠殺人殆難數計

戊子五年秋八月李明忠入高州逐施上義同上

案府縣志施上義上字王志雜記吳川盛志亂離見聞錄俱作尙

庚寅七年二月總兵徐有功復高州李明忠等西遁復以

李之珍陳武為副將同上

案通鑑輯覽云辛卯八年二月我總兵徐成功復

高州行在陽秋云辛卯永曆五年三月高州提督李明

忠兵潰岬口遂遁俱與府志紀年不符有功作成

功舊縣志事紀作徐某亂離見聞錄作有功貳臣

傳作成功又亂離見閩錄方周趙係李成棟初入
廣東時之將李之珍陳武則七年時平南王標下
入廣東之將舊志混李之珍陳武與方周趙同官
而以七年為復用李陳二將誤

癸巳十年秋七月葉標明珍犯府城官軍擊走之同
甲午十一年春二當作三月李定國入高州同上

先是定國由柳州至高州平藩標下副將陳武李之
珍高州守將張月督兵至石城青頭營與戰失利之
珍趨電白月還高州欲挽武共降武不從乃私先納
款武未知之也及定國至高州月遂賣武以降定國
入高州改舊府署僭營王殿重征加派每米一石納
扉履及鉛鐵等物民甚苦之遣兵圍新會兩次不下

茂名縣志

卷八紀述

兵事

七

冬十月定國親至督戰十八日將軍朱馬喇統滿漢

兵

據新會志靖南將軍朱馬巴牙喇肅章京敖拜率八旗兵來援

同平靖兩藩與戰

於河頭用火箭破其象陣軍中有象十二頭定國大敗遁去

結筏而渡奔回廣西

案通鑒輯覽十年夏李定國犯廣東攻高州陷之
時由榔聞定國軍聲大振欲密下一敕令統兵入
衛諭大學士吳貞毓兩次撰敕鑄屏翰親臣金印
令林青陽使高州定國拜受命而舊縣志載十二
年乙未春三月李定國陷高州與黃府志之十二
年二月李率泰安撫高州相礙若據輯覽十年夏
李定國陷高州則府縣志載十年秋七月西寇葉
標明珍犯府城官軍擊走之爾時尚以西寇書定

國緣何又稱官軍惟舊縣志雜記云甲午三月定
國人高州乙未我師定高州與黃府志合又貳臣
傳新會志俱作甲午定國陷高州亦與府志合又
案吳川陳舜系亂離見聞錄順治甲午十一年三
月二日明安西王李定國到高州 大清知縣周
允斯被逐失印四月定國病便結拘醫診治予在
數中八月拘予隨營任事隨至廣肇十二月十四
大清將軍朱瑪喇率兵過新橋一字數千船渡河
大戰安西所帶可望兵八千先遁餘兵齊靡遂大
敗云據此所見的確亦與府志合

又舊志俱以西寇目定國今遵輯覽書法刪去西
寇字李明忠施尙義葉標等亦一例刪去西寇字

茂名縣志

卷八紀述

兵事

三

乙未十二年春二月兩廣總督李率泰總兵栗養志安撫

高州 同上

秋九月十四日左營兵爲糧餉鼓譟知府黃雲史綏靖

之 亂離見聞錄

丙申十三年總兵栗養志剿山賊曹玉陳選於雲曇平之

黃府志

玉等嘯聚千餘人恣行劫掠養志率城守王自功營
於近寨以逼之官兵有被殺者養志佯退四十里夜
半掩其不備大破之選降赦之玉遁後獲正法

吳川歲貢吳宣崇見聞錄補證云錄載康熙二年栗

總兵剿天官關山賊曹斌 混名斌卽玉也雲曇有山

曰三官山隘曰天官關玉據爲巢時人語曰天官有

狗蝨高州有老栗爾出我入爾入我出後以計使其黨誘殺之乃平但記於二年與志異

乙卯康熙十四年夏五月高州總兵祖澤清叛上同

先是十三年平西叛潮州總兵劉進忠應之勢張甚至至是五月平藩徵高鎮祖澤清協剿澤清憚進忠遂

據高州叛

秋八月滇逆吳三桂遣偽將馬雄入高州上同

澤清勾西逆馬雄糾黨李董郭稱將軍雄踞高郡厚斂橫征解糧供役死者無算

丁巳十六年夏五月祖澤清歸正上同

澤清殺海賊謝厥扶贖罪効順許之

戊午十七年春閏二月澤清內遷鑾儀衛懼復據高州叛

茂名縣志

卷八紀述

兵事

三九

上同

舊志云復據高州張黃山叛攷張黃山在廣西乃澤清西遁後被擒之所非據叛之地也

秋八月廉州總兵佟國璽擒澤清送京師誅之上同

亂離見聞錄十四年六月吳三桂差人送諭帖并信威將軍印與高鎮祖澤清望日高營兵遂反殺鎮標効用官兵數十並搶各文官衙宇民房十九日祖逆上偽周親軍信威將軍任叛兵推守備戴顯聖為副將千總田國彥為都司分五營十五年四月朔偽周委廣東巡撫馮甦到高加封祖逆靖遠侯祖逆標下戴顯聖陞雷州總兵田國彥陞副將十六年澤清歸正十七年正月澤清督兵下廉截偽周郭將軍來高

之兵四月還高又反雷廉從之遣副將周愈吉江瓊屯儒洞以禦官兵五月望尙公兪額將軍等大兵到儒洞僞雷州兵爲內應大破高廉諸營江瓊軍全沒周愈吉奔回高各官遁廣西滿城男婦走西岸溺死無算拋棄金銀綢緞什物甚多二十日大兵抵高駐劄郡城搬運財物回省擄男婦數千口初三桂之叛也潮州總兵劉猴子即進忠應之勢張甚乙卯五月平南徵澤清標下協剿弁兵畏猴子如虎不欲往移礮逼澤清應三桂澤清不能制遂叛先是以糧餉不豐鼓譟於迎霜降者一以訟民不勝鼓譟於府前者再馴致尾大所由來漸矣至丁巳五月僞靖海將軍謝厥扶欲候馬雄於電白過高州祖逆計殺之 朝廷

茂名縣志

卷八紀述

兵事

三

許以自新戊午正月陞鑾儀衛使儀衛近君中心畏懼復據高州叛請助於廣西不應以其殺厥扶也我師致討破之於電白祖逆遁厥扶子謝昌欲殺祖逆乘勢劫掠梅菴爲之一空是年八月高鎮馬雲程帶兵征廉州張王大山擒祖逆父子解京棄市參王志雜記見聞錄補證逆臣傳曰十八年八月官兵搜山獲澤清及其子良梗送京師十九年二月澤清良梗俱磔死諸子家口籍沒廉州志曰十八年秋七月廉州總兵佟國璽追叛鎮祖澤清於張王山獲之並其子檻送京師正法又李符清古文曰邑張王墟多大岡複嶺地幽阻案張王墟在合浦城北百二十里黃府志謂張王山在廣西未的見聞錄謂馬雲程擒之亦不

符

己未十八年秋八月海寇謝昌洗大鼻等沿海劫掠黃府志

捉博茂四鄉男婦或殺或贖亂離見聞錄大潦賊林逢時

掘通佛塔江隄船至王嶺捉婦女二百餘人同上

庚申十九年六月賊分艘乘潮入梅棗大掠黃府志

壬寅道光二十二年冬知府馬麗文諭各鄉舉行團練採訪冊

先是早稻歉收饑民刦取雜糧或刦廬舍衣物有奸民倡添弟會邪教煽惑愚頑誘以結盟拜會可免刦奪知府馬憂之諭飭各鄉推公正幹事者為練正副團長約束子弟捐置軍械守望相助奸謀殆無所施庚戌三十年十二月髮匪凌十八率黨至縣西石村一宿

茂名縣志

卷八紀述

兵事

三

而去採訪冊

信宜人凌十八者受西匪洪秀全黨誘蓄髮拜會名

帝會即天主教聚眾作亂庚戌冬糾黨往廣西道經縣西之

石村老幼偕行并未刦掠石村人有素識賊中一老

者驚問曰爾何亦至此老者泣曰家裏孫兒多病該

匪書符調水服之立愈不受謝誘脅入會閤家男婦

從之牽率老夫至此今已矣大抵入會者將房屋畜

產變賣以充糧食將金鐵田器鑄軍械其腴田華屋

不能盡賣者棄之雖貧者亦多方借貸以從至石村

時兒童衣裏徧貼銀錢并佩雪白長刀婦女裏足織

織者步行忍淚隨之次日至寶墟後攻鬱林州城不

克回轉信宜踞羅定之羅鏡墟為巢逾年大兵剿滅

之又聞邪教之惑人也時大疫流行該匪懸古鏡於庭未入會者鏡之自不見頭入會後照之頭復見云

採訪冊參邑人黃澤泉平何凌紀畧

亥辛咸豐元年春二月信宜會匪何明科入縣北境攻陷

平山司署在石骨墟內旋至新洞大掠焚毀祠宇稿冊

何明科者信宜安鵝人添弟會匪首也先是道光三

十年天主教匪凌十八倡亂明科應募招勇往剿既

而主撫明科怏怏與梁十八梁二十大等糾黨二三

千人四出滋擾咸豐元年二月十六日突至縣北黃

塘墟二十日至石骨之羅田時知縣胡宗政遊擊海

齡都司張萬青率兵勇進剿案詩書草載胡宗政駐紮謝雞墟賊剽

銳趨捷我師素不習戰大潰賊踞石骨新洞練長副

茂名縣志 卷八紀述

兵事

三五

貢鄧銘元等出重賞集練丁並募電白練長知縣李

景新等助剿進屯蓮塘之十里墘丁壯雖多無紀律

二十七侵晨賊大至倉卒然礮不中勇目郭六者驍

勇為一軍倚得賄先遁眾皆潰景新力戰死團長武

生鄧朝璋同子鍾靈鍾秀均死之邑生員容錫成有

蓮塘行哀李壯烈景新也參平何凌紀畧

案紀畧云是時郡城大震適寶慶協副將趙如勝

赴廉州剿賊至郡士民墾求出屯東郭以備進剿

如勝有威名明科懾之遁去轉掠信宜羅定容縣

兵勇擒斬之及其家屬事平後大吏竟以如勝在高遠遛奏參

癸丑三年秋八月西匪謝八掠縣西村心等處知縣胡寶

賢率鄉勇剿禦敗績練長監生邱懋勳死之參稿冊

甲寅四年秋七月許保大踞縣東雲曇糾黨由新洞夜劫

茂坡村近謝知縣周琦率勇剿之檔都司張大刀戰

功卓著見邑歲貢容

案候補府錢塘陳坤剿匪紀畧云是年夏茂名則

謝汝田劉八等嘯聚雲彰夏字彰字俱誤實秋閒

寇雲曇也土匪謝汝田被獲解案故文報書謝匪

不書許匪容福培詩書草則專書許匪

乙卯五年春二月西匪余其細糾黨至縣西地方檔

案其細北流六靖人五年糾黨數千至縣西防剿

局所募大直勇禦之水浸坡縣西邊界高望各鄉

勇從之二月十六偵知賊劫湖洞墟化州十七夜

我勇襲擊大破之斃賊數百生擒百餘并其偽軍

茂名縣志 卷八紀述

兵事

三

師其匿當店內死拒者統領陳輔龍躍上瓦面擲

藥包又殲百數其細逃去後化州北流團勇擒誅

之此事剿匪紀畧不載當是未經詳報

四月艇匪李快句結土匪楊文照蛋家狗等攻袂花墟

我軍敗之檔册參剿

案是年春閒海賊李快百餘艘由博賀港轉踞水

東墟俱雷窺伺茂名地方大震郡城兵勇寥寥時

大直勇剛由水浸坡之捷移剿大崙賊廣西北流

旋告捷回郡而縣南梅棗墟財貨所聚賊垂涎一

夕數驚通判姚恭訓稟調直勇援梅局紳朱履端

梁念之等以為袂花密邇水東若賊陷袂花直趨

公館南盛郡城與梅棗聲息中斷宜先援之四月

初九日直勇進紮袂花十三侵晨賊匪四五千擁至紅旗殷天礮聲震地直勇百餘人橫列北風嶺電白勇目張朝有大呼陷陣斬賊先鋒奪取蠶旗梟賊目李勝首賊潰走奪獲大礮旗槍無算督陣者統領陳輔龍廖志全也

丁巳七年秋信宜匪張勾七寇新洞練長教職鄧芳鈺率

練勇禦之天官關敗績練勇陣亡二名採訪冊

案是年秋許花二張勾七糾黨踞電白之那霍攻沙瑯不克許匪走陽春張匪由雲曇寇新洞鄧芳鈺率勇堵剿敗績賊匪進窺謝雞郡城遣勇扼險匪不得前走雲爐至朗韶我勇由石骨進剿許匪聞張匪掠得多財復由雙滘入朗韶合隊來拒我

茂名縣志 卷八紀述 兵事 三

勇敗之匪由大坡走雙滘山路偪仄勇蹴之墜崖死者無算我勇至合水其父老縛許匪獻斬之黃

沛三孝廉家傳

戊午八年春二月謝潰三張勾七劫縣北軍墟三月初一

日知縣湯克勤帶勇馳往黃塘該匪竄去旋獲謝潰

三誅之採訪冊

案剿匪紀畧云謝匪竄信宜經知縣袁輝山捕獲逾年又獲張匪於信宜

辛酉十一年春髮匪陳金缸陷信宜副將潘其泰奉調來

高州剿賊所部果勇一千名剿匪紀畧作一千八百名三月初六

日至府城參邑人鹽提舉陳政新辛壬日記

陳金缸者廣州三水人著名悍賊也見畧巡道何應祺守默齋文集

紅作

素業籬桶咸豐四年五月紅巾盜起金缸嘯聚

三水英德清遠聞與其黨鄭金劉超麥賢等數萬人

陷開建及廣西懷集賀縣踞之僭偽號逼民蓄髮四

出攻剽

見署巡道文星瑞嘯劍集

十年由岑溪至水汶信宜李可

鍾句串入境高鎮都司楊紹能禦之敗績二月四日

破信城郡城兵單勇乏陳輔龍潰勇乘機擄掠適調

雷州參將廉明千總劉殿嵩帶領雷州兵四百名又

守備陸龍芝所募果勇百名先後抵郡藉資城守

案十年冬有人密報高文書院掌教陳蘭彬云髮

逆今在水汶來春必圖高郡蘭彬飛函廣東藩司

伊霖告急伊霖稟調潘其泰率果勇來援未至而

陸龍芝以散勇二三十人入境

龍芝之欽州人會隸其泰部下已經銷

茂名縣志

卷八紀述

兵事

三五

差

時信城已失人愈惶懼舉人楊廷桂商之知府

蔣立昂準龍芝募勇百名即作其泰前鋒連夜給

果勇字樣號衣龍芝大喜効力并張貼示諭以潘

軍即至人心始定龍芝驍勇善戰厥後屢敗賊立

功獨當一面

三月十二日陸龍芝禦賊於縣西之南塘鄉勇敗績

時潘軍既至龍芝率果勇由茶亭進屯南塘各鄉備

行糧先集堵禦所選鄉勇多而不整十一夜賊自信

城越六沙嶺黎明猝至我勇列隊向前迎擊礮初發

賊潛分騎從右渡河突入墟中陣亂鄉勇驚走果勇

殺驍賊數名退至關草李氏祠屯紮登屋礮擊賊不

敢近逼入夜遁去

同日潘軍進紮渡頭別遣陳輔龍及各勇屯關塘十四日梁清黃乃璿梁效賢均失利二十日賊大至輔龍先遁各勇敗走陸能富威勇殺亡殆盡所募俱雷州會匪兵徐徐退是夜潘軍退回城

二十四日潘軍進紮大坡迭獲勝仗

四月初二三日潘軍亦獲勝仗初五日賊渡河圍水墘營莫善喜楊毓桓潰圍走糧道梗十四夜潘軍退回城十五侵晨賊騎哨至東門外

二十九日潘軍進紮渡頭隊伍不整自潰

是時賊在大井潘軍進渡頭未紮營各勇往荔園爭取荔子忽見河岸旗幟驚以賊至棄軍械走實陸龍芝勇來護新營也賊乘勢追奔殺掠居民無算

茂名縣志

卷八紀述

兵事

三

秋七月參將方耀奉調來高所部潮普勇三千四百名

初五日至郡城

候補知縣吳川陳龍書從軍紀畧作四千八百名剿匪紀畧作三千又云

初五日抵信宜俱誤

先是六月通判張慶鏢千總張國富所部同德勇千總張朝有所部忠勇俱至軍聲大振

八月十八日方軍進營石山攻大井賊修閘固守

十九日潘軍克復石骨墟

剿匪紀畧作十七日

並龍頭洞賊巢黃

塘東岸賊環攻石骨力戰卻之

是時張朝有張國富陸龍芝互營南山白花塘曹江穀籠蔗地藍田等處方耀規復大井晝夜環攻將軍山斃板嶺賊死守不能克

冬十月十八日劉超由縣東出雲爐分黨掠茂坡山尾

榭村有悍賊馳至沙石塘與富勇格鬪直趨北關居民驚竄城中放礮斃賊賊遁

案剿匪紀畧作十二月十八從軍紀畧作元年二月俱誤

二十一日方軍收復將軍山堯板嶺奪獲大礮三尊抬鎗鳥鎗刀矛旂幟以數百計此為方軍第一力戰其東岸雙合田青洞等賊屢撲我營擊退之

十二月十八日賊破將軍坡營千總張朝有死之

先一日賊五六千撲營朝有求救方軍內外夾擊朝有中礮斷腿骨十八侵晨復撲營方耀遣勇戰於白鳩塘敗績圍益急所部勸朝有潰圍走朝有厲聲曰吾獲死所矣其下強扶上馬馬逸朝有死縣西大震

茂名縣志

卷八紀述

兵事

三七

賊迭攻黑水塘西山南山等營火白花塘民居二十四日攻堯板嶺各營耀弟守備方寶力戰死精銳傷斃多名

壬同治元年春正月初一日賊掠村心沙田頓梭哨至城西鑑江一帶

二月初八夜潘營潰於石骨

石骨墟為縣北要衝自潘軍收復以來賊屢攻撲不下數十次至是兵力疲竭迭函告急各營救援不力故敗自是東北之患亟而方營勢孤賊時出掠石頭營隨失千總方雄被獲從軍紀畧作方隆陣亡

三月二十二日賊由縣西過江至沙坡鄉勇敗之二十四日至石鼓鄉勇卻之此條日記失載

是時縣南大震各鄉裹糧列隊沿江堵截旗幟遍野
晝夜防守不懈

三十日副將卓興奉調領兵勇七千人至郡城

剿匪紀畧作四

一月初是日土匪吳公模盧應斗劫根子墟

四月初一日吳匪盧匪攻分界墟不克轉掠電白地擄
殺無算十四日鄭金由石骨雲爐出踞根子突攻分
界府勇卻之旋劫電白羊角墟

十九日卓軍進營周洞梁效賢莫善喜率勇從之圍鄭
金於根子墟斬賊多名賊乘大雨始得遁去

五月初四日卓軍進營車田籬竹徑規復石骨秋八月
十八日營河壩

二十二日卓軍大營陷退走謝雞

從軍紀畧作根子誤

茂名縣志 卷八紀述 兵事 三

先數月卓軍攻石骨屢獲勝仗賊分黨力拒至是羅
田嶺龍頭洞南山大井東岸各賊傾巢來攻連日血
戰抵拒不住諸營皆失計兵勇死者百數傷者千數
從軍紀畧作失勇三千誤軍械多失退回謝雞二十三日賊大至
卓興揮戈策馬當先從者數百禦賊於蓮子塘時方
鰲方吉以潮勇至賊始敗卻

案卓軍威名最著極有紀律而此次多新募勇未
經訓練又暑熱多癘疫扶病拒賊故挫衄至此或
云食物中賊毒又所獲賊卓興每縱之去欲以德
懷之賊謀知營中虛實遂環攻陷之

九月三十日卓興整隊紮安良堡並自備行糧募潮州
勁勇一千五百名十月後更番攻打未嘗三日休息

冬十一月雲爐人袁文玉家被土匪周光龍所擄玉追茂北勇擒光龍解城磔之

二十四日南山賊攻卓營礮傷卓興心胸裏創血戰竟

日斃賊百餘此為卓軍第一戰功時北風烈勁忽轉南風賊愈

不支相傳是地為洗夫人降生地而是日又夫人誕

日故靈應如此俱參辛壬日記

案陳政新字煥樓縣東謝霄人時在防剿局辦理

據逐日探報成辛壬日記一册情事俱確剿匪紀

畧專鈔文報不無失實從軍紀畧亦未甚詳晰

癸亥二年夏四月二十日太子少保提督崑壽來高督師

從軍紀畧 剿匪紀畧作五月十三日

秋七月十九日卓方兩軍夾攻南山禾鏹塘賊巢八月

茂名縣志

卷八紀述

兵事

三九

初二日破饅頭嶺營礮斃逆酋麥賢賊敗走盡覆其

營從軍紀畧

南山距郡城北三十二里賊精銳盡聚於此牽制我

軍為扼吭拊背計麥賢者陳金缸心腹驍勇多智賊

倚任之授偽主政糾黨踞南山屢攻不下提督崑壽

來高督師將及三月催戰愈力是月同吳川在籍主

事陳蘭彬詣營視師面授機宜諭令卓興方耀夾攻

掃穴禽渠剋期告捷十七日方耀督勇分撲南山禾

鏹塘賊巢卓興策應賊傾巢出我軍左右衝突鏖戰

屢日夜不息八月初二日環攻踏破饅頭嶺外營方

耀身先陷陣肉薄而進礮斃麥賢梟首竿示賊喪膽

棄營潰遁乘勝復南山進攻大井是役也血戰浹旬

僅乃克之然賊之精銳盡失敗竄還大井我軍尾追轟擊不敢鬆懈賊復調擾掠嘉益羅鏡各股黨回信城負嶠抗拒而眾心渙散多有逃亡歸家者賊勢危岌至九月懼而斬其渠來降實南山一戰早已奪其

魄也

參從軍紀畧提營文報檔冊

九月初一日有嵩坡石骨賊巢內茂名殷戶李安余巧珍被脅陷賊願為內應主事陳蘭彬等允之遣陸能富如密約破嵩坡賊巢初五日督帶李安等至石骨余巧珍開柵復石骨卓興偵知黃塘無備掩擊破之據其屯糧所

剿匪紀畧

初八日陳瑞燾同偽都督蔡坤誠獻陳逆首級投誠旋收復信宜陳逆平

茂名縣志

卷八紀述

兵事

四

初信宜紳士甘文鑑與方軍記室吳川陳龍書素識文鑑被賊脅降兩年無由自拔因函達龍書欲為內應適前肇羅道幕友陷賊之陳瑞燾同志遂函商密訂謀於鄭金臬陳逆首投誠雉髮解散賊黨

從軍紀畧

剿匪紀畧云陳瑞燾詣方營稟稱割得偽南興王陳金缸首級並偽璽殺其眷屬帶親匪黨二百餘人薙髮歸順獻信宜城池

案陳逆陷信宜後踞城內外及鎮隆墟為巢穴築壘縣之西北以黃塘石骨東岸南山曹江為左翼以青山雙合田大井化州之寶墟壺洞那霧為右翼西北兩路士民死徙慘不可言迭經督撫委撥潘方卓三軍並陸龍芝之果勇關振邦之和義勇

盧振綱之德義勇張國富之同德勇張朝有之忠
勇周陞胡錦彪向昌榮湯錦華之府勇累百累千
又有莫善喜之保安勇梁效賢之茂北勇陸能富
之富勇廉明劉殿嵩之雷州兵並各鄉團勇練丁
不爲不多而將領位望相當莫能統攝運籌者意
見互異接壤者痛癢不關或彼攻而此卻或始銳
而中衰參用訓導梁汝璠擬上晏副憲書由是賊鋒蔓延容縣匪
首范亞音岑溪匪首陳洪熙陳春標西甯匪首王
狂七受僞封助聲援并句串新恩客匪盤踞千有
餘里縱橫跳盪剽掠陽春陽江羅定廣西之岑溪
容縣震驚吳川石城而張三李四揭三大等迭出
肆掠電白之沙瑯官珠化州之寶墟合江等處以

茂名縣志

卷八紀述

兵事

四

圖牽制勢幾不支省勇之餉雖由軍需局解支而
先後不時且軍火接濟諸費防剿局募勇協助捐
款借款羅掘俱窮四鄉自籌堵禦萬分竭蹶所幸
官紳一氣首尾措拄三年待崑宮保之來而蕘事
焉然當信宜初陷時郡城遷徙一空使非舉人楊
廷桂由鄉入城主持大局力挽邑紳會同籌辦則
事已無可爲矣先是十年冬總兵訥蘇肯稔知此
賊兇悍飛稟大憲前高廉道伊霖時爲布政使綜
度支請撥潘軍至戰守有資旣而兵力不敷巡撫
耆齡重訥鎮請調方軍至方軍勇敢善戰賊鋒太

銳卓軍繼至掎之角之乃克成功

時省垣欠勇餉極多伊霖商之

南海富室伍崇曜允借銀數十萬兩完舊欠方軍乃得抽身蓋伍素急公仗義也而伊霖以提撥高

州軍餉源竭不竭欵差屢端 城中則知府蔣立昂

書以誤江南協餉奏參之 精明果決亦復虛懷聽納故紳團樂為效力云

冊採訪冊

壬十一年春三月西匪廖三晚潛伺郡城署巡道文星

瑞計擒誅之

冊

先是去秋大旱春聞又旱訛言煩興近西省如化州之壺洞尖岡茂名之南塘等處民人紛紛逃徙聲言賊至而新恩客民之插住者一夕逃走不知去向其弄獅演技者百十隊散處村落市鎮其勇裝待募者西來絡繹北流六靖匪目廖三晚潛匿郡城巡道文偵知勒其醜黨擒而誅之事平謗議全起及觀北流知縣會思沂稟覆道署云三晚之死生繫邊境之安

茂名縣志

卷八紀述

兵事

四

危則不軌之謀昭然矣曲突徙薪孰與焦頭爛額吁

邑舉人張元亨撰文巡道送行序畧公下車之日值歲歉及春三月不雨羣醜洶洶陰結郡中無賴覬覦竊發而西人之耕犁吾地者偵得其實不旬日盡室偕行屠民惶惑男婦狂走公急延郡人籌餉備寇行團練修城郭密懸重賞得匪首廖三晚者而誅之人心帖然

壬光緒八年冬十二月十六日會匪莫毓林圖襲郡城

不克購拏誅之

同上

先是上數年地方官姑息養奸七年縣中盜賊充斥劫掠偷竊無虛夕有報案者羈押留難有送匪者多

方開脫或挑刺使不認或改劫掠為小當堂釋放或賞以錢文一時

有愛賊如父之謠邑匪首莫毓林名鍾英捐都司職歸廣東

督標効力時方家居八年夏秋閒與弟莫樾林糾結平日匪黨唐玉墀唐丁發唐大發吳昌時屈立齋譚

日初等及各鄉匪目在電白之水東赤嶺邑內之公館梅棗私盟聚會日肆狂言各官漠不介意正人緘默不敢言如畿輔靖逆記嘉慶癸酉滑濬時事也十月初逆謀已成徧發偽號印記誘脅入夥並密遣心腹預約廣西匪黨接應而西匪陽諾窺伺邊境覬覦舉事未遽集至十六日邑之東南及化州電白各匪明目張膽蜂屯於縣南之二十四嶺離城二十餘里先遣其黨入城為內應入夜又遣賊襲校場練營劫軍火俱失約逮夜半大霧迷濛賊遂驚疑散走城中拏獲內應五名同時該匪黨亦襲破電白城不能守十七早在唐家館搜出軍器腰牌號簿等件聞號簿匪名甚多王之樹得哨毀沒越數日緝拏莫樾林黃心銘屈立齋唐丁發先後誅之是月下旬兩廣總督曾國荃聞警委總

茂名縣志 卷八紀述

兵事

聖

兵彭玉率兵勇由輪船抵水東梅棗彈壓明年春官兵來郡查辦莫家懸賞購擒莫毓林唐玉輝戮於省城其餘匪目陸續拏獲伏法工科給事中歸善鄧承

發地方官貪庸乖謬諱盜殃民請飭查明懲辦以遏亂萌恭摺仰祈 聖鑒事竊維粵省高郡所屬毗連粵西阻山濱海同治二年逆賊陳金缸亂後伏莽尚多然送經查拏懲辦猶未敢公然肆惡自高廉道英謙高州府鍾秀鳳任後凡局紳稟匪均不準理即獲賊送官亦必展期開脫甚且指為誣良以致搶案日多會匪日肆其為則任性乖張喜怒無常英謙則昏庸執拗終日飽食酒光緒七年冬間電白茂名地方劫案迭出至五六十月起其始被劫之家亦間有報案者而前電白縣鄭履端茂名縣姚成熙一經稟詞詣勘則必縱容書吏婪索夫價勒令失主改搶為竊故地方有搶後加搶之謠或將緝送之賊當堂釋放監生程雲祥在籍知縣李玉麒等屢赴院司稟控而鄭履端捏飭購詳唆土匪誣扳為賊致雲祥被革該縣嗣因事撤任皆啞忍不報而賊遂公行無忌矣盜電白縣之董汝瀾偷怠昏庸較前尤甚八年十月間紳士林藹美等聯稟會匪摺列匪首內有赤水司

差劉慶通判差吳貴等糾黨千餘在水湖嶺等處結盟拜會該道府卽札行該縣王之澍查辦該通判張壽增巡檢陸葆銓因稟內牽涉衙役意圖縱卸該縣亦因稟內有富紳可噬遂提所獲之會匪尤常保等七名問與各紳素日有何嫌怨賊供狡展遂稟覆道府并無拜會情事皆各紳挾嫌妄稟將抱告發縣押究又覃巴墟局紳招億鰲頭墟局紳梁廣淵等亦同時稟明各處匪徒嘯聚皆被斥不準該省督撫臣已有風聞委員來高確查其時賊勢紛紛蠢動自雷白茂名以至廣西之鬱林州屬陸川北流延袤數百里間蜂屯蟻聚鄉民日夜奔徙而該員猶扶同地方官於十二月十四日捏稟謂高州所屬安靖無匪祇道咸閒有添弟會名目近則并無此事等語詎十六日匪首莫毓林唐丁發莫樾林屈立齋譚日初唐玉琪等糾黨二三千攢聚於城外之二十四嶺文筆嶺地方先令呂益齋等伏城內應并句引廣西六靖東華等墟賊同時并舉約定是晚三更舉火為號襲踞郡城幸城中紳士先期得信稟知該道鎮搜獲內應賊目五名起出火箭器械腰牌名簿等件供認與莫毓林等結黨拜會謀於十六夜襲踞郡城不諱又匪首吳昌時亦糾約電白匪日邵顯臣黃紹棠等於是夜掩襲電白城劫放監犯都司鄭廷熊引兵巷戰斃賊十數名賊始退散一日之內兩難并發府城則幾於失陷電白則已失而旋復苟非地方官素日諱盜養

茂名縣志

卷八紀述

兵事

四

奸釀成禍患何至變生倉卒張皇失措若此現聞督臣已派兵查辦人心稍定惟查逆首多係武弁衙役暗通密結漏網尚多若不徹底澄清恐乘機復集一潰難收并聞香山新會新安沿海地方亦句結蛋戶劫掠聚眾擄索香山小欖一鄉去年劫案至數十起皆有案可查民心惶惑控訴無門失今不治日久蔓延必成巨禍應請 旨飭下該督撫臣查明高郡此次地方釀禍之由從嚴參劾以警將來并揀派能員分別良莠認真整頓其香山等縣沿海一帶盜賊充斥應如何設法緝捕請并 飭下該督撫臣嚴定處分章程不準以空言搪塞庶官吏不致諱盜而百姓之身家可保矣伏乞 皇太后 皇上聖鑒施行謹奏九年二月二十七日 翰林院侍讀邑人楊頤片奏再近日外官營私玩法徇縱欺蒙已成痼習而粵東官場尤甚即如去年十二月十六夜高屬土匪謀踞城池電城破而旋復府城擊雙內應賊匪驚潰危而復安皆由道府州縣屢年殃民縱盜釀久而成聞土匪日久嘯聚愈多拜盟結會自日宣言於城市絕無畏忌直至去臘十六夜會匪同時起事茂電兩縣幾於并失臣意督撫大吏必將諱盜釀禍之印官嚴行參劾聚眾倡亂之匪徒嚴行懲辦以平紳民之忿而遏盜賊之萌乃時閱經年並未陳奏將謂事屬千慮而當時六州縣飛稟告急事後合郡會試舉人在省聯控并先後拏獲匪黨省郡口供皆有案

卷可據將謂土匪竊發旋即撲散跳梁小醜無庸上
瀆宸聰然去臘會匪方熾省中早有所聞先委
州鎮彭玉念開由輪船帶勇數百到高彈壓本年春
間又委駐防欽州將弁帶勇一千來高協拏並委道
府周炳勳饒世貞先後赴高查辦使非聲勢浩大大
吏何必如此張皇且去臘十六夜府城拏獲內應土
匪五名即時正法使非事勢危急豈能不待通稟一
日駢誅五人此皆事之鑿鑿有可據者將謂地方官
事前失於覺察當事尚能維持功過足以相抵然去
冬會匪恣橫迭經局紳林蕙美梁廣淵等先後稟控
道府委茂名縣王之澍查核仍捏飭稟覆迨局紳拏
獲匪黨尤常保等多名解郡王之澍復謂局紳挾嫌
誣告以護前非及至局紳再控則道府批飭並將局
紳抱告發縣押究不旬日而攻城禍起如此徇縱釀
禍實出有心尚可曲為解免耶且高州府鍾秀因王
之澍庇匪妄稟釀成巨案本正初七在街上將該縣
毒毆洩憤互相稟計官體何存尚可聽其侈然自肆
於民上耶伏思府城與電白縣治相距百餘里同日
並攻黨羽衆多可想屬吏即巧於逢迎可免參劾何
至匪黨亦并邀寬典乃先後所誅逆匪莫毓林等十
餘人或當場拏獲或事後親屬懸賞拏解此外漏網
尚多日今人心雖定而郡中搶案仍復層見疊出未
聞上憲飭屬嚴拏苟且了事為地方官開脫處分遂
置地方於不問設封疆大吏盡皆如此天下事尚可

茂名縣志

卷八紀述

兵事

聖

問平臣反覆思之而不解其何心也臣憶咸豐十一
年春間髮逆陳金缸竄踞高屬信宜縣大兵剿辦數
年賊鋒並未大挫同治二年提臣崑壽來高督師竟
以招安了局一切匪黨概予免治同治四年餘寧李
何娘等復句串蠢動城池幾於再失重勞兵力剿洗
地方始獲復安然軍餉之虛糜人民之塗炭已不堪
間始息養奸可為殷鑒以前事揆之臣恐高州之亂
未有已也刻下法越構兵日久訛言法法欲窺伺粵
東省中辦理團防正在吃緊經費支絀高屬距省寫
遠鞭長莫及萬一省垣有警高屬又復煽動不愈增
朝廷宵旰憂平可否諭飭新任督臣張樹聲撫臣
倪文蔚將此案庇匪釀亂之道府州縣一併查辦各
予嚴遣并飭新任高州府將此案著名匪黨勒限
全數獲盡法懲治庶劣員知警匪徒斂跡實於今
日防務不無小補臣為邊防安危大局起見
不容緘默謹附片具陳伏乞 聖鑒謹奏

乙酉十一年越南法國構兵沿海州郡設防縣內嚴行保

甲抽調各鄉丁壯駐紮城外校場演習槍礮技擊踰

年始撤

檔册

古蹟

廢潘州唐置今茂名縣治以潘水為名武德五年置舊唐書

理開寶五年州廢茂名縣屬高州通志元大德八年移

高州治茂名至今因之大清統志案寰宇記云潘州

因道士潘茂原脫名字昇仙遂以姓名為郡縣之稱據此

則山水亦以茂得名也阮通志

潘水廢縣唐置在縣南一百里縣志案潘水縣有二其一唐

武德五年置以潘水名貞觀後廢其一本毛山縣開

元二年更名潘水南有博畔鎮宋開寶中廢今故址

在縣南一百里者貞觀中所省之潘水縣也宋開寶

中所省之潘水縣在縣東北寰宇記所謂廢潘水縣

有浮山是也今浮山在電白縣西北七十里黃府志

茂名縣志

卷八紀述

古蹟

巽

南巴廢縣隋置在縣東南梁置南巴郡隋平陳廢為縣

大清一統志開寶五年省入茂名在縣東一百里取南巴

山為名寰宇記在鑑江西一里黃府志電白新志云在縣

西三十里麻岡墟有南巴嶺南巴河南巴坡按電白

之西即茂名之東與寰宇記所載合舊志云在縣北

茂名志云在鑑江西地名西岡者皆誤南巴本屬高

州永徽元年自高州來屬潘州以地勢度之應在潘

州之東不應反在潘州之西黃府志

長德廢縣陳置在縣東北隋志永熙郡領長德縣陳置曰

務德後改名大清一統志宋會要云開寶五年廢隸電

白縣輿地紀勝在縣東七十里懷德鄉舊縣志

電白廢縣梁置在縣東北九域志景德元年廢高州縣屬

寶州三年復故元大德中移州治茂名以縣屬之舊志縣在萬山中逼近雲爐大桂等賊巢明成化四年僉事陶魯以山寇雲擾始移縣治神電衛廢舊縣為堡在縣東北四十里一統志大清

察院廢行臺在府治東郝通

布政分司廢署在府治東南黃通

按察分司廢行署在府治西郝通

嶺西道廢署在府治東同即高明書院舊址黃通

分巡道署即今高州府署舊府志

古潘州舊址即今府治在元為高州路署舊府志

高州府舊署在府治東即今總鎮署舊府志

海防同知廢署一在府署內一在府前街同

茂名縣志 卷八紀述 古蹟 罨

督糧通判廢署在舊府署內金通志

理刑推官廢署在府治西舊府志

督捕廳舊署在府前街同

經歷司舊署一在舊府署內一在南門外金通志

照磨所廢署在舊府署內郝通志

茂名縣丞廢署在縣堂右同

司獄舊署在府署西同

舊通判署在今梅菜登高坡側採訪册

舊平山司署在今平吉汛側同

署採訪册

案電白志大陵驛丞在三橋城冒起宗浮山寺記

云寺在茂名之那夏驛今易名大陵原注驛屬茂

名地屬電白明學使魏浣初題大陵驛詩是官皆

百室蒸皇華停短馭青樾蔓長詳此詩情景丞署

確在三橋城後移置都司署右

博茂鹽場課司廢署在縣治西

金通志

潘仙亭在府城外東百步許今洗廟東晉潘茂名煉丹

於此阮通志明知府孔鏞建有仙坡記又有仙跡亭明

知縣胥學韶建崇禎十年知府姚繼舜擴其亭闢其

坡黃府志

此山堂在南宮嶺明知府曹志遇為知府吳國倫建今

圯同上明參政東莞袁昌祚此山堂記此山堂者

何高州守曹公建也初此堂者何祀前郡侯吳明

茂名縣志

卷八紀述

古蹟

哭

接蜀都東迎吳會尚徘徊風景而曰自有宇宙便有

此山後人思其德碑存墮淚於今稱之當明卿嘉靖

開魁多士於楚庚戌遂成進士與于鱗元美金論著

顯旗鼓中原一時文墨之士左執鞭弭右屬藁鞞何

豪也自中舍遷諫垣拾遺補家理輟批鱗權貴喪氣

至賄楊椒山忤分宜謫理匡廬同守建州乃一麾邵

武當明卿始守邵武子與亦知汀州朝士笑曰若曹

徒以雕蟲爭自奇有土易足當之內辰復量移高州

流輩莫不怏怏為明卿於邑謂奇偉之士匪惟時人

側目而天亦甘心矣高涼則炎嶠一隅也潢池綠林

殆無虛日胡卿平倭之役妻孥所不及顧日夜董介

胃修城池謹斥候數削贖議增餉食倭圍二閱月不

能犯遁去明卿大兵追至里麻俘馘封京觀焉後倭

困化州明卿即諭陳參將星奔救之仍三檄利害於

黑參將以水兵相援又親往雷陽合二郡夾攻而倭

盡擒矣羅劬諸山之酋劫掠不常明卿躬撫信宜陽

春叛孫令自為備設上宮營官兵東門營民兵以守

要善城中獲安枕招流徙墾荒稅建南嶽書院課藝

諸生慷慨且存大體甫下車墨吏望風裁思解組去

遷黔南學憲父老立祠江蘇其門人姚吉士記之久

傾圮曹公乃於山巔為之堂也古者大夫有益於民

則祀之蜀郡之文翁九江之召父伏臘至今不絕明

卿保全郡滅巨寇闢田野興士類功德殆若過之曹

公去明卿四十餘禩臨風興感能不依依峻宇崇堂

典型在望抑欲此邦人志不忘甘棠勿伐之歌乎昔
杜預以羊公薦代每事必告其廟志不忘也曹公政
事何必滅明卿其博大揮霍聲著海內已久旂常竹
帛自爾不朽杜征南何足比擬哉予老守邱壑天下
友知殆盡適參軍沈亦玉以營工落成知余昔為楚
吏且習明卿請記以憶往偕黎惟敬薦明卿時道治
高涼狀甚悉寫之泣數行下今人已往而言尚存聊
寄題此山以垂永久耳或曰山居邵水口左出為青
龍茲堂有關風氣並記之曹志遇元夕同王戴二
同寅飲前守吳明卿南宮嶺此山堂詩父老不忘吳
季子祠堂選勝闕南宮文章勲業雲霄上城郭山川
烟雨中野竹數竿依檻綠漁燈幾點落江紅招攜漫
興頻懷往隔浦疏鐘急暮風漫說此山成往事登臨
不醉且無歸遠天霽色供清覽片月棠陰上翠微水
度危橋滄海合徑緣曲磴白雲飛太
平簫鼓喧燈火俯景能同昔日非

甘雨亭在城南一里明郡人為知府張邦伊建黃府志久

地採訪册兵備使邑人李一迪記張侯守高涼之
苗就稿者半農人戚國人思而請於侯曰焚巫侯曰
天不雨而咎之巫惑甚曰某請之龍靈馬可怒而雨
也侯曰人則不能而求之龍或滋甚曰無已則過糴
乎侯曰公則不儲而閉之糴是遷其旱於鄰也即國

茂名縣志

卷八紀述

古蹟

吳

無年民固自為備焉用禁之以肥津吏毋乃使人幸
災耶曰為之奈何侯曰責在太守太守禱足矣乃大
戒於國市毋屠道毋除小訟毋興省刑緩斂蔬食減
從素服撤蓋率屬步禱於壇其衷疾其詞傷其容有
瘁如是者一之日禱二之日再禱乃令於郊曰固而
隄防疏而溝洫堅而滕竇張而具祝而種雨且應矣
明日果大雨街衢瀉瀉湍原隰鳴瀨奔壑注溪入於陂
池達於阡陌之間瀟灑之苗勃勃有生意農耜偕出
婦子喜饁國人謳歌曰微侯之力不及此侯聞之曰
天則悔禍於爾有眾太守其何有焉君子謂張侯於
是乎善禱夫善禱者不禱於禱之日侯之是舉也罪
則歸己功則歸天其占雨也如神夫罪已者必無罪
歲而其政若六氣四序之不忒不忒則順順故應讓
功者必能以禮讓為國而其心若水之善下下故受
其占雨也如神是以謂至誠誠故動三者侯之所以
禱於雨之先也國人謀登其事於石使後之長民者
知取法焉侯諱邦伊
字孺覺浙之鄞人也

五里亭在縣南明隆慶壬申知府吳國倫統兵抵里麻

平倭寇立碑於此同亭地碑佚同上文尚存失

蔣應泰秋日五里亭送客詩一笛寒烟吹木落雁堂
松菊每相親烟迷五里亭前柳酒送三秋馬上人莫

向水雲嗟驛路好從猿鶴問花津丈夫湖海原無淚心近天涯亦比鄰

靖遠亭在縣北一里許明僉事陶魯建阮通志久圯同上

海國遐觀亭在南宮嶺巔下瞰鑑江明知府鄭綱建後

知府歐陽烈於亭前建小醉亭阮通志久圯同上

溪山清趣亭在鑑江之潁明知府孔鏞建黃府志久圯同上

十里亭在縣南同上即廣仁菴後久圯同上

登高亭在寶山宋郡守趙賓建久圯黃府志

鑑江亭在天妃宮右明知府姚繼愛遷西興社學於此

久圯黃府志今修復非舊址採訪册明知府吳國倫

迴石亭斜倚鑑江開鄉心苦被蠻雲結客淚遙含海

色來六月孤城喧鼓角千家落日閉蒿萊炎方多難

何時解極目重溟轉自哀副使邑人李一迪讀吳

川樓使君鑑江亭詩次韻卻寄石壁高懸一徑迴新

亭屹立為誰開雲含山色從天落日送江光人隘來

抱病頻年懷鑑水銜杯此地即蓬萊欲歸共擬觀清

茂名縣志

卷八紀述

亭

賦無那鄧都白雪才

仙易亭在西門外採訪册湖北蘄水郁文初補奠夢

也見之夢即夢是人而已形限於地而神不隔人限

於時而天不隔不隔一路較然有據者之未遊也則

以為幻幻而得師天之徒也昔者文初註易自乙丑

始迄乎辛未貧隨程君翼雲為信邑令署中展易至

損益成說滯胸透脫之難非不井然明辨之謂也有

夢焉不以意得不以意得者炤幽之炬升天之級也

夢一先生貌瞿然色驚然盛唐之巾晚綠之袍蕭蕭

瑟瑟然無足重於世眼也問曰木道乃行此口說焉

初對曰震巽木行東方仁道也若然而震巽在恆何

不行初不能答因固問之曰人之身木下金上巽也

也震足也股上足下是以行巽亦掌也足上掌下是

以立不易方初聞之動於心髓竦於毛髮固吾有生

來大夢之一覺而端然起坐心搖明昧之界汗浹

下之種嘆曰世固有學焉如此乎廢前註滿前聞而

悔晚幾幾乎象數之末絲自是夢始已又夢先生來

解觀象又解臨象所言玄奧俱不出目前物象得之

凡三見而初乃束筴歸楚為吾友宋冒非翁誦之翁

曰是其信宜之賢者哉物聚有情神酬苦志宜吾子

之見夢也學有其至生無其徒古之至人悵然終古

者多矣豈獨目前憾事哉神授吾子筮蹄始無著

天性得師而數仞宮牆一物撮去不存矣然曷不致
奠謝之以媚別於神明之廟抑越茲十七年所不知
於易事何如矣而奉命守高幕中情想心目依然
敬備一奠當何如耶詞曰此事何事耶伊人其口
愾懷不忘兮心師神口日何望兮以鄙山何瞻兮在
斗因道遙而羽化兮來時有口妙義真不在文字兮
天先天後十七年兮路舊百世之知如旦暮兮不荀
神之來兮悟言杯酒雲翔翔而還極兮致予慕之搔
首永歷三年己丑案永歷三年即國朝順治六
年國初甯都魏禮仙易亭題壁乍雨淒風古寺幽
閑亭長抱一溪流都緣列子分蕉鹿細使韓生笑棘
猴春鳥聲多依密樹暮雲見盡有行舟十年觀海真
吾願豈意高涼半月留

射圃亭在東門外東高社學右明知府姚繼舜建久圯

黃府志明學使常熟魏浣初觀德堂記凡郡邑學
宮之側例得廣闢為圃使諸生習射其中蓋以男子
之所有事而古聖王之務祖制未嘗不重之也然
而卿大夫士之不講於射也久矣今上廣勵文學命
所在澤宮相與習其所有事而無失其職余銜簡書
也以出即所在申而明之而郡邑之長猶沿於其曠
而莫之或舉也校士高涼則太守姚君以閑請觀射
余躍起曰此中青而矜者願解決拾乎去柳葉者百

茂名縣志

卷八紀述

古蹟

五

步而穿札者七能乎左右曰能太守之新勅射堂而
多士之習其中也有日矣余亟命駕往圃在東郊外
其地平行去雉堞不遠有堂翼如前為筆架山三竦
其巔而拱焉多士業勉衣披衷若健兒狀以待坐少
定奏采繫聲琅然比耦徐引其弓盡余目力隨鏃之
所至眠之與的正相等鼓鏜然輒報曰中中若而矢
士轉而向余色栩栩眉闕曰某也中中若而矢吏括
其矢羽陳於階下中多者積若而人終事肅然堵牆
而觀者咸竊嘆余乃進多士諗曰不佞向為治兵使
者而與觀乎材官子弟之射矣今日觀於圃而吾與
二三子神遊於三代之初也信乎今之道其猶可行
古之道也夫頃者吾熟觀爾之射矣睫不暇交之指
指不暇謀之腕雖欲淫於爾思得否非有以繩之也
而心自平非有以扶之也而體自正非有以把握之
也而持弓矢自審固而後發雖欲躁於爾氣得否一
矢縱送得者半失者半飄馳電掣無所容得失之想
以祈爾爵亦旁睨者若云乎爾其在射者雖欲舍己
而競諸人得否然則操是心也以視注題和墨伸三
寸之弱毫而戰於寸晷尺幅之閒有以異乎無以異
乎古聖王使人各釋己之志各射己之鵠者比物此
志也夫明白正大春容爾雅有典有則者文章之鵠
恭儉莊敬易直子良無反無側者德行之鵠二者皆
辨於己士自彘弧蓬矢始生為男子以後所期無愧
忤於天地四方者亦曰正己而已矣人人各正其己

而天下無不正之人矣近中外諸臣窺測聖意有鑒於士風之不正學術之不中也遂漸以厭薄制舉似謂有所畸重噫豈其命爾多士從此束書高閣倚席不講驟焉改業判鄒魯而稱孫吳裂襟裾而環介冑歟士猶金也精之用尚與珠玉同聲價武人則鑛矣雖復陶之汰之靡之礪之取而試之乎冶其能不躍而出焉者吾見其罕也士而夷於武人蹠弛一弛文弗至非金非鏤識者必說以爲不祥夫一張一弛使武道備斯須不可去身故聖王之陶鑄士也亦欲使絲而不使知今爾多士則既知之矣射義不云乎鄉大夫之射也必先行鄉飲酒之禮夫鄉飲酒而何以必與射並舉行也吾夫子之射於矍相之圃也使公罔之裘序點揚而語者再懍哉其言之爾多士其思哉子大夫之射習爾也殆有深意而爾多士遂以雍雍如也粥粥如也則亦習乎射者變化氣質之一班矣非是者余何觀焉姚君虞廷諱繼舜浙之桐鄉人以南北曹郎出守於此百廢具修又於射堂之偏將爲社學以聚鄉之子弟通小學皆以遵功令廣教思也舊與君同水曹越十五載而重相見於斯君日斯堂也守道江公既名之以觀德矣

射亭在縣署內

黃府志

久廢

射亭記 茂署甚湫隘廨後夾

茂名縣志

卷八紀述

聖

巷地不容旋馬余時學射於此越人仰天發矢矢在五步之內余既與此類而地之逼側適相稱可笑也其左爲尉署有隙地相連拓之得十餘武縛竹爲亭觀山出西垣上蒼翠滿目向望山僅露其尖今則草樹亭榭歷歷可數東坡所謂人不知臺之高而以爲山之踴躍奮迅而出信然於是地既展舒又有亭可憩張鵠備耦各操弓挾矢而前久而心手相應頗能命賓客至輒較勝負飲酒以相娛樂至晚則懸小燈爲的窮日夕爲之不覺其疲也高涼阻山依海爲盜藪武事不可不備射固令所宜習而凡從余者莫不爭巧競勝亦庶幾投石超距之意射竟卽倚關看山賦小詩藉以浣滌塵慮傅修期遠慕杜預近好李冲我思古人有懷未逮聊免俗吏刀尺筐篋之請云耳

三至堂在縣東郊三至書院知縣錢以壇建久廢

黃府志

嘉善錢以壇三至堂記節畧慈谿鄭公梁以庶常官部曹出守高州嘗言我鄴氏於此地有夙緣永樂時諱阜義者以壬辰進士分守嶺西駐劄高州鄭之至高者一成化時諱重者以乙未進士守高州鄭之至高又一及余而三浙東之鄭與嶺西之高若因緣輻輳者然余於東郊三里許捐百金創書院并構小亭名之以三至而未果也以壇因於公所成者而成之顏其堂曰三至取公之欲名其亭者移於堂以寄

去後思也

會

郝志作洗

心亭在鑑江西岸觀山寺前明知府陳嘉表建

後改曠怡亭

黃府志

今為報德祠

採訪册

右參政金

寂孤亭象外幽移情擇勝幾淹留澄波日照開巖

喬木秋風上斗牛僧吹靜隨啼鳥散客懷長傍落

浮樽前不覺頻搔首萬里蒼茫坐一邱學

荔日借同寅集觀山會心亭詩翠微深護綠天

木晴川次第看心不放時何處會山從靜後始

幾年玉篴迷初非此日松風對冷官坐去御忘

節奚奴捧出火珠盤知縣錢以壇曠怡亭

荒城可會心更無複閣起干尋疏疏岸火依江

淺晨煙得霧深但出雙旌催布穀敢聽流水

坐彈琴偶然學得蘭亭叙把酒臨風嘆不禁

省亭在觀山巔乾隆間巡道王槩建嘉慶二十四年知

府戴錫綸改作魁星閣

黃府志

進士李宜相省亭

臨鑑水冷然善也或曰潘茂名之所託跡焉遺山

水有足發人觀感者或曰郡城之所表也故名觀

易觀卦大象有之先王以省方觀民設教觀之為

大矣哉是山聳然出於城市巖塵之中蒼翠瑰麗

茂名縣志

卷八紀述

古蹟

三

大夫之歷是都者咸屬目焉於是騁遊覽縱觴詠飾

土木之華工斲琢之巧五步一亭十步一閣莫不據

勝爭奇互相掩映矣而世所謂登峯造極以全攬一

山之勝者蓋無有焉及大觀察諸城王公駢節高涼

既而營學舍弭災稜有備無患人和政洽乃稍以其

暇日博山水之趣構亭於觀山之絕頂顏其上曰省

亭聯其旁曰山蒼然一形水冷然一色夫以公之起

齊魯至京師南歷湖湘所見名山大川指不勝屈而

顧區區於此一形一色者重加省焉其亦不鄙夷吾

民之意乎已乃延客登臨憑高讌會前瞰江流後俯

龍池左顧右盼梵宮禪舍幽欄曲室掩映於煙雲林

樹間者一寓目而盡得之遙望郡城四郊煙火萬家

桑麻遍野民居學舍之所比連販夫用父之所勞瘁

凡平日籌畫於公心以防其未然而周之事後者在

在觸於目而警於心畢會於斯亭之下是又有得於

省方觀民之大者非僅全攬一山之勝已也公他日

即晉秩於朝而一段精神留繫於山水之間後之登

覽者懷恩溯舊想見公之矚目躊躇淵然內省於斯

亭之上而蒼然一形冷然一色不啻甘棠召伯之思

共此終古也則觀山之由公益著者且與仙跡而不

朽夫宜相承公知顧最久朝夕見公之行事而

知其寓意於斯亭者遠也爰拜手而恭為之記

石城貢生高式震詩獨有米供新炊

禾穗且垂農夫聲噪噪有米供新炊

昇真觀在觀山明萬曆開廢寺碑

黃府志 知府孔鏞詩昔人

學仙已仙去此地空遺茂嶺名欲問靈蹤無處覓隔林唯聽淵泉聲

則喜亭在觀山道光四年巡道葉申萬建同今圯

喜亭記古者命物錫以嘉名旨深哉况乎有喜則志之志之不一則渾而舉之以待後人之逆吾志云耳觀山其秀色可餐也山之巔有奎閣高聳特立為一郡之標建喜可知已喜匪惟是也莫快乎天時莫切於人事天時者豐年之膏澤也人事者天倫之樂事也予蓋兼而有之矣是不可不有以名之道光壬午冬余得奉命奉版輿來巡是邦越癸未春民苦小早禱雨即應詢諸父老歲率以為常其明年甲申春復望澤予先憂之默叩山靈毋俾民憂蓋欲有以志之示不忘乃法前賢遺意補築斯亭於山次亭成而雨適降時三月丁卯也其喜為何如其則喜一也余老母於癸未歲躋七十賴吾民慶焉志之不忘其喜更何如其則喜又一也

觀善閣在城西北隅明正統開毀於寇成化間潘春林

瓊修正德開邑人李健重修阮通志 王納言記佚

茂名縣志 卷八紀述 古蹟 畫

水月閣康熙開總兵霍維璵建在鑑江下渚圯於江漲

後建南宮嶺側復圯今遷合迴水菴與發祥寺寶光

塔對峙黃府志

小瀛洲在南宮嶺茂嶺之下唐天寶二年大風雨忽作

河中湧出一洲初名南洲後縣令許仲溫建亭於上

名小瀛洲亭今亭廢同案輿地紀勝引舊圖經作天

寶五年阮通志

小函谷亭在北關一里明知府俞嘉言建舊縣志久圯

上宮灣在北關外二里石骨峻嶒旋渦衝激深不可測

相傳與舊府治後龍井通名為龍眼井即石龍井江水溢

則龍井溢湧蓋山川靈氣所通也參阮通志舊縣志知縣王原詩天

矯游龍水龜巖窠宅崎高邱平似掌銜石豁成門雲白傍城市煙青隔岸村臨風拄頤久沙助減潮痕

錢以埏詩一灣水自萬山來急過流湍勢忽開龍井
遙通深百尺巖城斜抱曲千回石危欲墜臨江嶺鳥
倦將還上客桅戴得疏星
秋夜出何當斗酒共徘徊

下宮灣在西門觀山之對自上宮灣沿流至此三里水

與寶光寺井相通名虎眼井飾黃府志

案虎眼井今無考寶光寺疑即發祥寺

上渚下渚上渚在北門外鑑江中下渚在西岸旁鑑江中積沙成洲遙遙相望漁人泊艇時發清謳

入景故有雙渚漁歌名目

石龍井在鎮署後即舊府署後舊縣志有石刻詩碑詳金石門

墨硯塘在北城內採訪冊邑舉人何淮云舊志言池為城

所壓今考城側尚餘半畝人呼為墨硯塘相傳昔藏

寶硯水色甚黑後為人賺去故黑色稍減

思前井在縣東一里潘真人煉丹之水味甚香美煎茶

茂名縣志 卷八紀述 古蹟 五

試之與諸水異力上奏取其水歸朝寰宇記輿地紀勝

引寰宇記作思乾井阮通志

案舊府志浮來水去城百二十里東有思乾井恐

誤今茗園井在縣東一里水味絕佳疑即思前井

玉井在觀山金井在觀山稍北一里仙井嶺亦名金井嶺金

井久堙玉井亦圯經李為相濬復構亭其右參黃府志如

皋冒起宗玉井亭登眺七古高涼眾山青簇簇登高

遐矚仙山獨羅浮參立遠獻奇銅魚白馬及山足振

衣絕頂羣峯渺人為勝奪天機巧闕苑不敷龍鳳洲

瀛海分得蓬萊鳥晉代仙人潘茂名丹爐藥竈列從

衡雁行蛇竇精奔理出入二語契仙經道士授以丸

轉訣飛鍊服食昇天行依山洽洽有玉井石裂深碧

淳且泓照人髮鬚若明鏡色如紺壁欺琳瓊山源湮

塞幾經年古蹟漫漶蘇周遭徧徘徊曲磴渾忘倦天

刺靈泉遺事呈舊穴重開玉井見甘香澄冽儼醍醐

松仙胡麻地並薦嶽寄共道此山好雅尚多君

恣幽討虛亭構結足夷猶世上紅塵清自掃

石船在東門外相傳潘茂名所乘仙去矣此又有篙棄

五里山外第一河之不要洞俱化為石云黃府志番禺

屈大均云高州潘仙坡有一石船中巧兩端微起若

荷華片長八尺有半廣四尺又有石篙一在雲爐洞

長二丈許相傳潘茂名真人遺物予有石船銘云至

人餐石以剛為柔至人乘石以沈為浮風將氣御水

以神遊芙蓉一瓣汎汎如舟虛無之滓為爾長留廣東

新語又云潘真人在龍山脩煉有石船二葉一夕大風

兩山傾一船飛止於城東之潘坡龍山舊有廟亦曰

潘山廟據邑歲貢鄧恆霖龍窩廟序

丹竈在石船北潘茂名煉丹處也其上微突而堅有二

穴穴口大如盤或土泥雜物填塞經宿盡消空洞如

茂名縣志 卷八紀述

古蹟

乘

故今覆以亭黃府志明鄭阜義詩仙家雞犬去無

淡烟荒草暗孤村短棹孤帆遠遠開潘仙何處問蓬

萊如今化作滄浪石春兩年年長綠苔明魏浣初

詩仙跡山靈借郵亭亦古潘青松雲自宿丹竈火常

寒銘素明人誤桑田靜者看從來雞犬去何處訪劉

安昔駕天風去今從委道旁堅頑一片石苔蘚四時

蒼弱水難為度蓬山不可航陸沈雖浩劫豈亦倦津

梁黎必升詩欲待將來問渡人風帆不動石常新

獨憐塵世誰能截鑑水流花空自春乘雲仙去隔煙

霞古竈荒涼夕照斜歲歲春歸苔蘚碧何人為覓舊

丹砂黃安濤詩何年片石置林邱傳是仙家太乙

舟暗浪不驚藏壑夜古苔應長落帆秋達瀛縹緲元

蹤遠身世蒼茫大地浮萍梗生涯私自笑凌風張望

白雲遊紫煙散盡海天長依約元陽此秘藏風定藥

禽喧乳竇月明仙火護雲房九還已斷緇鍊火一氣

猶分草木香俗骨難醫塵鬢改可能景乞神方

曲江廖燕丹竈詩仙人已去竈無煙冷落空山玉井

泉我欲尋蹤何處是淡風涼月碧霞天明高式震

詩棄竈飛昇去金丹訣自操仙翁今不遇玉粒且貪

饕餮仙船化為石鼓棹何所施舉步凌雲去十洲到不

遲國朝錢以燈石船歌金玉二井井泉潔仙人乘

船愛游歷自石丹砂煉大還雁行蛇竇傳真訣入水

不能濡入火不能熱行如御輕風顏如點絳雪遙指

逢萊有路通遂脫塵凡入仙列留得扁舟藥鼎傍化
為片石稱奇絕君不見金鳳銜珠夢可據並攜雞犬
雲深處我欲招手空中與雨
語何不擊楫揚帆上天去

高力士宅在縣西北二百四十步寰宇記有手植椰子樹

二株高百尺宋時尚存黃府志知府黃安濤詩列

公卿殿頭雅有天人望鄉曲猶傳驃騎名何處珍樓
還笑兀於今香樹幾枯榮野花開徧開朱紫不及巫
州薺菜生

驃騎館案郡國志故右衛大將軍高力士舊鄉別有驃

騎館相傳皆因力士之名寰宇記

日新亭在熱水鋪舊縣志

案黃府志云明蔡經即溫泉亭改作日新亭今屬

電白

釣魚臺在府東北二里舊縣志今無考採訪冊

茂名縣志 卷八紀述 古蹟 五

寶光塔在鑑江西河岸郝通志明萬曆四年知府張邦伊

倡建黃府志高九層偉壯異常以鎮郡城水口舊存工

費簿記云糜費白金十三萬有奇邑人李鎧捐金八

萬咸豐六年大水齧其趾九年郡人重脩培其根植

草以殺水勢塔基永固採訪冊明尚書瓊州王宏

水口坤塔稟為脩培坤塔永固郡垣請飭催捐以便

興築事竊以名勝留先哲之亭臺有舉猶應莫廢建

置關地方之風水已壞能勿重脩我高城龍來自良

塔建於坤考配合於龜書本五位之相得溯生成於

龍象更一六之同宗原二氣之五根御同黃帝置四

隅而相錯位始文王脈絡合乎天河章同雲漢尾間

鎖乎地戶固鎖元關特標華表之雄吉伴杭郡郡豈僅
星躔之吉位應貪狼且風水之休徵即科名而可證
秀鍾木位大魁已見未年發應對宮甲榜尤多丑歲
賢貴頻出地靈豈虛此所以竭人力以圖成非張公
不能作而贊天工之善補得戴守而益彰也邇以水
漸西流頻遭方割遂至川難東障共恐將傾因念湖
決臨平紫陽誌江南之失海沉竭石洞元傷冀北之
衰從古地靈最關水口况比年兵燹頻聞烽煙多警

茂名縣志

卷八紀述

棗

文光塔在縣東鎮頭嶺高七層嘉慶二十一年郡人建

穗垣塔損經再擾而始平梧郡塔傾尚餘氛之未戢
 前車既覆近鑑尤明豈可付之適然置之遺亦應修且原
 茲塔之建實經始於先朝卽論古蹟之可籌豈繼修於
 此日况前賢之創始雖甘餘萬貫而可議捐修按世之
 補修僅三二千圓而猶惜因合六邑共議請即分往
 例而分攤庶眾擎之易舉謹此聯叩憲階請即分往
 六邑各飭分派董事迅捐早繳以便興工庶幾中流
 不傾地維可奠浮圖九級並筆架以齊輝砥柱中流
 鎮鑑江而永固恩沾全郡德戴二天謹黏公議六邑
 攤捐條款上赴邑歲貢鄭懋德擬稿咸豐八年議
 縣錢以增登寶光塔詩浮圖九級穿雲出壁立晴空
 如礙日鑑江水勢去滔滔砥柱中流稱第一乘節元
 公杖策遊追隨步履同登陟東望城垣纔斗大節元
 蒼翠峰巒密閭撲地多茅茨竹樹爲牆護家室雨
 逐雲行浮萬片風因鳥過生雙翼竦身直上天與齊
 間闔門高眞可卽吁嗟乎二十年前烽火亟饑不能
 飽勞不息耕田鑿井無餘力俯視吾民三嘆借興邑
 知縣張曉秋日登寶光塔詩浮圖九級俯江流乘興
 振衣豁倦眸萬里雄風吹短袖四山竦雨澹高秋星
 辰半自晴空落雲氣低聯遠岫浮回首塵寰煙樹隔
 猶疑飛鳥傍雲遊吳川優貢吳方翽和鄭龍階登
 寶光塔詩象教縱橫遍九州吾徒今且快觀遊遠環
 蒼嶺靜如侍高割白雲疑不流興自他日應懷勝迹留
 雖空妙亦泥牛驚人幸誦元暉句他日應懷勝迹留

採訪册邑舉人招元傳創建東嶺文光塔記碑吾
 茂甲科之盛莫過於明之永樂間景泰天啟後克延
 其美我朝百餘年來鄉書不替而第春官者落落
 如晨星之相望亦未見以顯宦著者匪獨茂也卽五
 州邑亦然論者每歸咎於郡治風水之不修卽振興
 之末善前乙亥歲有以形家言自當道議於東嶺巽
 位增建文塔俾府縣兩學宮收其旺氣邑侯王公
 爲之勘度圖卜申詳報可旋以六屬人心稍渙事將
 合而復寢同人每慨之夫土苟有志豈必有待而興
 然地靈人傑之說從古有之會丁丑秋邑有重修縣
 學之舉比冬余與齊年邱君應魁歸自京師急謀於
 首事梁君應元周君振英梁君益琦容君煥方曰佛
 經云佛滅度後一日夜役鬼神造八萬四千塔今託
 聖人之靈以役吾徒豈求一塔之成而不得蓋因
 學宮方興土木之時兼申前歲建塔之議吾邑爲首
 治附府而郭卽獨肩其力何如諸君曰善猶竊竊然
 慮公用之不敷也時邑人七閱風鼓舞多善願輸金
 者乃定議於不敷也時邑人七閱風鼓舞多善願輸金
 謨先允貸金尅日鳩工派題外另募塔費又得譚君嘉
 凡五閱月而七層告成計用自企一督其役堆石纍甃
 人雲會登高覽勝怡與寶光塔東西對峙以院試郡
 臨之如雙竿比玉上蘊雲霄中橫筆架秀氣排闥而

來莫不嘖嘖歎美而余與首事諸君亦深幸前數年
闔郡願成之為靈昭未濟今一邑舉之如反覆手不
益信聖人之為靈昭未濟今一邑舉之如反覆手不
尖如為山者由一曾以至九仞功必層累而日上故
夫誦讀之勤出里塾而升庠序咸有青雲之望始基
且矣從此實興書賢獻名天子從此而南宮擢秀
對策大廷又從此而或為侍從或為臺諫或為守牧
又從此而居待從以文學顯居臺諫以忠讜稱居守
牧以循良著匡贊聖治黼黻太平彈其力於不能
已循其等以底於極如塔之合尖然夫如是上有以
應之建豈非不朽盛事哉余以追桑梓先哲之蹤則此
塔即助捐姓記其助捐姓記其助捐姓記其助捐姓
氏另具副碑

良塔 俗呼鎮 在城北上 帝樓東二百步 道光六年知府

戴錫綸倡建 採訪冊 署知府鄧存詠良塔記碑前

良入城環城皆山也青蒼秀拔而良峰低小據形家
者言謂主山較弱宜豎層樓以壯郡脈爰議建塔率
茂邑孝廉吳徽敘何淮等勸捐合郡剋日鳩工經始
趾跼功三層而贊用告匱余於丁亥秋來攝郡篆詢

茂名縣志

卷八紀述

堯

悉顛末將欲踵成盛舉旋以瓜代省省有志未逮戊
子冬奉檄仍權郡事乃倡首捐廉偕茂令王勳臣暨
地方紳士題金有差擇吉十一月十七日續興土工
計口口有日矣郡人請余為記勒石余竊自維焉浮
圖釋教也青烏之術儒者弗道也斯一舉而惑於是
說其何以教郡人而示來茲然章肇題名未嘗不顧
此塔而稱羨也人文蔚起由科第而登顯宦者或亦
基於此歟余奚能以不交辭董事歲貢梁應元生員
周口武生何安邦監生程近光實心經理聿
觀厥成例得並書道光八年戊子十二月立

文泉井在城東 乾隆五十一年夏五月東郭外窖一井

廣袤丈餘與縣學宮相對 知縣孫士傑構亭署曰文

泉作歌紀之 舊志 歌曰吾道久榛莽廓而闢之誰

命安敢斲厥思况逢賢太守法廉交相維高涼數千
載聖廟己傾欷伊威白書走麟網結絲受事三日
謁視此心傷悲嗟哉二氏統其徒綵繪施吾道參天
地何以此荒蕪為拮据崇垣宇念茲常在茲興工於春
仲薦紳七後孜孜督工無遺力十日纔有基忽然泉湧
地隍外水為池孺星門相對且在巽隅宜巽為文
象筆山鼎峙奇下有泉混混風動波漣漪潘州才思
湧懋勳况下帷成章自能達窾奧漸漸窺器車深山

出醴泉地膏滋原為王者瑞怡喜
尊宜尼科第蟬聯發泉共映青藜

案井在今馬王廟前舊戲臺之左遺址無存亭亦
久廢

學宮木棉在府學宮大成門外泮池之左有榕寄之枝

葉繁茂同治九年枯萎採訪册 知府黃安清木棉

榕一株大可數抱其顛有木棉寄生亭亭雙餘綠葉

紅花爛然映發洵嘉觀也殆亦膠庠之瑞乎賦此以

貽來者珊瑚琢花紅木棉狀如木筆高參天花時枝

頭葉未茁惜無眾綠相新鮮何來寄生榕樹巔青蔥

借色增花妍木棉寄託信得所古榕著花亦媚嫵花

身樹身兩不分向榮枝葉皆欣欣宮牆之旁泮池側

碧雲合處連彤雲此樹婆娑奇秀挺嘉瑞科名草相

等慘綠少年誰最良鳴舉延仁丹砂頂 邑舉人楊

延桂郡蠻木棉歌蛟龍噴火燒虛空珊瑚出海千樹

紅尼山老杏接一脈挺出聖域光熊熊朱花赫赫南

離色身有文章氣剛直桃李妖嬈小兒女松柏蒼涼

頑鐵石似此花王真讓爾衮袍高坐雲端裏神光直

貫斗牛邊杏壇千歲相終始

噫吁噫杏壇千歲相終始

茂名縣志

卷八紀述

古蹟

李

案太守歌詞井序以榕為榦木棉為寄生誤

蛟龍井三字碑在縣南五里山義冢之左廣不盈丈深卻

不測採訪册

龍窩在縣東三十里龍山之巔黃府志

案舊府志作五十里舊縣志作五里俱誤

馮家村在舊電白界大清統志馮盜即此村人唐良德縣地

參寰宇記

馬踏石村名在縣東五十里流洞山澗中兩水交流白石

一片馬蹄跡大小深淺無算又有數大石直立中一

石平如紙面上棋盤界畫分明縱九橫十苔蘚斑駁

右岸立石一幅如牆中削入四五寸上狹而下廣几

席畢具下臨一井深不數尺清流瀾瀾井之左右有

石逼肖胡牀椅桌形迥異凡境土人云昔年樹木茂

密相傳仙人遊此

採訪

龍灣井在縣東北古傳龍蟠於此異跡尙存

與地紀勝云在舊電

白縣東八十步今縣北百一十里土名堆頭山溪中相連有

三石井大者名龍公井次日龍母井又次日龍兒井

相傳昔有龍公龍母龍兒戲此遂成此井土人以爲

墜石探之十餘筴不能盡

黃府志

案龍公龍母龍兒雖俗說然波智國有三池傳云

大池有龍王次者龍婦小者龍子見後魏書則俗

說非無所本

大天井在縣北七十里土名雷洞四山環繞如井石穴

中多棲虎豹山下石井二深廣不過丈每大雨羣山

茂名縣志

卷八紀述

古蹟

空

水盡注而井不加盈

同上

案土人云山半兩石窩不甚深廣若山下兩井廣

不過丈深卻不可測

熱水在縣北九十里大拜村路旁一小窩水湧起甚熱

採訪

大馬灘在縣北朗韶江大細丹兩灣上卓立水中馬首

東瞻關鎖水口甚固旁有石靴石竈石馬鞍兩岸怪

石巉巖多生杜鵑花春時花放霞光燭天最爲妍麗

同上

石印在縣北百里平兜村之白石岡石高大丈餘四旁

方正面平有篆文古字

同上

觀音井在梅萊登高坡茂名吳川交界水味清甘登高

時萬人汲之不竭同上

昇平壽井在城東何宅旁飲之人多壽有碑同上 副都御史吳

川陳蘭彬題 署巡道王之春銘曰婺女星精靈鍾於此飲之則壽其甘如旨

茂名縣志

卷八紀述

古蹟

空

金石

銅佛像

右像在城西北靈惠寺中座一觀音像二侍者像俱銅鑄相傳唐高力士置後失去右旁侍者據父老云當時賊人何某祝詞佛是西方佛銅是東土銅請佛暫回西土去且救弟子一時窮祝畢遂竊去後以木像補之採訪冊

銅鼓

一唐僖宗朝鄭綢一作續誤鎮番禺日有林靄者為高州太守有鄉野小兒因牧牛聞田中有蛤鳴牧童逐捕之蛤躍入一穴遂掘之深丈即蠻酋塚也蛤乃無蹤穴中得一銅鼓其色翠綠土蝕數處損缺其上隱起

茂名縣志

卷八紀述

金石

三

多鑄鼃龜之狀疑鳴蛤即鼓精也遂狀其由納於廣

帥懸於武庫今尚存

唐劉恂嶺表異錄

一宋嘉泰初本縣民得之地中高尺餘廣二尺懸而擊之其聲頗震黃通志

一明萬曆三十二年邑高田村溪水衝出銅鼓形如腰鼓平面空中無底徑三尺許高三尺有奇阮通志

面列蛙蛤形者六遍體細篆文有硃砂積翠蝸蝕之孔凡十餘處郝通志其聲鏗鏗然或以革掩其底或積

水甕中蓋而擊之遠聞十餘里黃府志

一國朝雍正五年四月鶴洞水衝出銅鼓一高二尺許徑三尺鼓面中擊處微突面列蛙形者六蝕二小孔旁有兩大紐以懸者硃斑可玩聲聞數里初置

城隍廟後移開帝廟俱所通志知府黃安濤銅裝

鑄銅鼓靈千歲城隍歷鎮荒風雨神物不

屈埋泥沙湖出金蝦墓豐以摩半以地紅豔

翠斑凝土花高二尺許徑三尺四圍腰中突如

鼎旁有兩耳穿連錢細絞紋交織方今久息淵淵

溪洞晏然無爭簫笙花管猿奴樂此久息淵淵

聲千牛價值論多寡莫向西京問金馬此久息淵淵

局來都老年年賽春社吳江廩貢金馬此久息淵淵

淨風其勁挈伴訪古拖吳鑿金門馬式竹未盡駁速

遺鼓叢祠排靈壘不鳴墓蛤伏鷓鳩鳩鳩鳩鳩鳩

徑三尺下無當畧有蝕孔黝可聞或云鐘自馬與萬

鎮蠻密布谿山厓懸流衝激聲殷震疑兵驚卻驅虎

豹或云夷樂車銅鼓都曇答臘雞婁偕酋領擁得號

都老連山傾動獐籬儕桃榔樹底杯邨若椰酒正熟

肥牛椎素馨花搖蠻女髻蹋歌爭扣金銀釵南裔風

俗類如此歲時賽會同優俳留傳惜少款識記精英

豈久塵沙埋高涼四鼓三已失此乃獲之鶴洞涯沿

溪屈曲遠移至何以載之芳竹簾連錢邊綫極細誤

面騰微突如圓蝸蟻澹常教土花繡斑駁永謝鉛光

措入門尺筆不在手舉掌一拍其聲諧岐陽石鼓形

畧似韶陽鐵鼓音或乖何如此鼓應鐘律噌吹發響

殊淫哇漢晉吉金今已少寶光夜燭城西街蠻天無

事搜骨董聊用劇韻留詩牌都曇答臘雞婁偕句

茂名縣志

卷八紀述

金石

畜

原注皆鼓名見唐書禮樂志高涼四鼓三已失句
原注一唐僖宗時得一宋嘉泰中得一明萬曆間得
今皆不存

一道光十八年化州尖岡嶺旁坍出銅鼓高一尺五

寸許徑二尺有五寸面有蛙形四旁有兩大紐鄉人

梁邦昌等購置南盛墟萬善菴內關帝神座側擊之

聲聞數里採訪

一光緒十三年八月蓮塘大坡村民鋤地得之高

尺九寸四分徑三尺有二寸面有蝦蟆四送置浮山

洗夫人廟同上

香山志漢駱越銅鼓辨云越中銅鼓皆無款識文字

故金石家不著錄然南海百咏引虞喜志林云建武

二十四年南郡男子獻銅鼓有銘虞雅號博物所言

必不妄竊謂銘者名也古所謂銘或第肖其形耳象尊兕卣濟南古鼎皆無文字而薛氏款識與辛彝癸舉同列是其證也隋唐以前銅鼓皆畫畫善鳴故以銘鼓卽象兕之例而猶以無銘少之豈通論耶節錄

馬王廟鐘 高州府茂名縣缺文信官缺文千戶希政

施捨缺文鐘一口重一百四十餘斤 明成化口口

年吉日採訪册

奇 右鐘在東門外馬王廟高二尺五寸餘周四尺有

三元宮鐘 明萬曆庚戌年置同上

右鐘在城北三元宮

靈王宮鐘 明崇禎七年中秋立同上

茂名縣志 卷八紀述 金石 奎

右鐘在南宮嶺靈王宮高尺六寸周尺三寸

天后廟鐘 廣東潮州府澄海縣商人林德香建造大

鐘一口重五百斤奉酬在於 娘娘聖廟座前供用

祈求水陸平安計開姓名林德香 蔡抱東 蔡奕

潛 林安我 黃利居 林拱朝 葉用欽 陳欽

平 林聲甯 蔡抱欽 蔡振光 陳可石 陳膺

祿 楊哲原 楊哲悟 蔡聚盛 崇禎壬午臘月

之吉親運佛山更鑄宏新同上

右鐘在梅菪墟新廟天后宮高三尺有奇徑六尺

五寸口廣二尺二寸

清虛觀鐘 廣東初任廣州府同知陞高州府太守陞

分守嶺西道今任分守嶺南道信官 呂之節偕眷

誥封淑人徐氏次男呂蹶生長孀媳徐氏孫女宋
娘原籍浙江衢州府龍游縣清仁鄉十都人氏任居
高州府時鼎力給租三百餘石於 元真觀請更立
元宮以充常住香火今再發心捐資鑄造洪鐘一口
上奉 玉皇赦罪大天尊玄穹高上帝 聖殿當願
洪鐘聲播聖號喧揚三界遙聞十方通徹六道眾生
聞者福生罪滅一人有慶萬類咸亨暘雨若時邦家
俱泰端祝□信官功德昭著福壽益增慶衍兒孫報
隆高厚 旨 皇明永曆人運庚寅歲次孟冬望旦
鑄 督造守備周隆順德縣東埔都倫教堡北海村
人 開山淑觀住持頭陀道人高繼玄 釋名性珪
呂衙俗徒翁海鑑胡海錠銀一兩喬氏銀五錢王
氏海旻銀一兩汪氏海晃銀三錢 玉皇赦罪大天
尊玄穹上帝同上

茂名縣志

卷八紀述

金石

奕

右鐘在南宮嶺清虛觀高二尺五寸周二尺

案呂之節天啟朝嘗任廣東右參政見阮通志職
官表宦績傳

陳大任題名 朝散郎知軍州建安陳師夔舜伯郡事
之暇率同官秉義郎權同巡檢王啟成之權電白縣
劉鎮天弼瞻拜龍湫廟食罷至此酌泉□□巖採玉
□茶政和癸巳年三中秋一日將仕郎權教授陳大任

達臣謹記阮通志

林上飛題名字在篆隸之間仙谿林上飛升卿江西劉德驥彼
稱徐樗巧才胡銓挹衡同游龍湫湖南李澈彥澄後

至酒三行策若銀動清江操權不足而適有餘天

公孫口埤廷錫命刊石紹興丙子冬下不可辨同上

阮通志案題名在茂名靈湫巖字法與巖外澹菴二

字相似林艾軒集云胡邦衡書形摹濫觴發於小篆

則此刻為胡銓筆迹無疑宋史紹興十八年竄胡銓

於吉陽軍二十六年量移衡州此刻丙子蓋即在是

時矣同游粵東金石畧作同浴悞

胡銓書澹菴二字同字徑三寸許採訪册

琴志二字書人姓名無考同上

侯元義題名 高涼郡東二十里有洞曲折數百步巘

絕異態其下有泉曰龍湫交流石間籟發如湧雲之

狀嘉木蓊鬱殆非人境時廬陵劉伯秋洪都徐某沈

茂名縣志 卷八紀述 金石 奎

文春陵歐陽伯全齊右祖雲翼古絳侯元義每來

娑娑竟日紹興己卯二十六年首夏上浣日識同上 中有十九字

據黃府志補入

儀克中題名 正書 平陽儀克中以廣東通志 左一 採訪

來覓胡忠簡公遺蹟 左二 愛泉聲山色再宿乃還 右

嘉慶庚辰八月九日 右一 採訪册

案此刻文分四行由左轉右

許乃濟題名 正書 道光庚寅歲春雨讐期農民籲澤郡

城東北七十里有龍湫焉分巡高廉道仁和許乃濟

率高州守長白怡良權茂名令樂亭安遇亨以三月

庚子禱於其廟循湫陟巖日晡而返湫纔一泓神瀆

若沸巖殆百折凝嵐欲翔信仙境之奧區潛虬之闕

宅贊曰維湫之靈渤潏淵澗維漫之奇虜豁欽熾盤
敲珠瀉柱危乳滴終古蒸藏伊誰抉別灌木蘇賜斜
磴窘步戶闕僧窺石蹲獸顧驚颺颯起油雲幕空霖
成十日慰我三農乃濟并書石上同

案以上諸石刻皆在靈湫巖內

題詩石 正書 重巖新設險一旅獨當關飲馬江流細揚

旗石影開天威行萬里使節領諸蠻勿訝青牛度滬

瞻紫氣還 萬曆甲申吳國倫題 黃府志

右刻在北關外上宮灣小函谷關石壁

觀瀾二字 黃府志 橫列字大尺有五寸 正書 景泰四年高

涼周敞書贊曰雲開山曉色風靜鳥啼音物意含春

意淵深似道深 福建沙縣知州

茂名縣志 卷八紀述 金石 奕

右刻在小函谷關石壁

龍修洞三字 黃府志 字大尺餘 正書

右刻在小函谷關石壁高數丈款字模糊書人姓名無考

誠敬夫人廟碑 佚 石極古確錯雖不平整而其光瑩然

遇天日清明迫而視之可洞見人物往來耆舊相傳

以此碑乃鑑石所製 輿地紀勝

阮通志案輿地紀勝云碑在高州不誌建立年月考

洗夫人卒於隋末故附於蕭梁石刻之後

重修譙國夫人廟碑 篆額 見祠壇 文 高州府知府毘陵周仕

篆額高州府通判蘇州吳恩撰文 高州府推官

玉林楊逢元書丹 嘉靖甲子春 經歷謝宜棧

石慰甲申乃第
二碑此竟不載

右碑在潘坡洗廟

石龍池詩刻正書一乳靈砂地骨穿驪龍穩□□□眠

人閒多少甘如醴遮莫貪泉□盜泉太守臨池洗墨

歸墨□□作彩雲飛石鯨欲□潭龍起□□孤城掩

夕暉黃府志隆慶四年春日武昌吳國倫題採訪册

右刻在鎮署後土神廟左石高四尺七寸廣二尺

二寸中缺傍使君與花散吼風雨九字

張邦伊石龍池詩刻正書滿地煙霞一竇穿風雲長護

老龍眠蒼苔□石雖堪適轉憶山中玉乳泉黃府志一

壑潺湲石甕穿當時聞說有龍眠仙翁何日乘龍去

留得丹崖洗藥泉黃府志纔向青山即當歸白雲墜地

茂名縣志 卷八紀述 金石 究

白龍飛官閒每發臨池興一曲□□駐夕暉黃府志絕

微風煙胡不歸幾回清夢越山飛怡情幸有龍池水

拂石披襟坐□□黃府志萬厯丁亥歲甬東張邦伊書

採訪册

右刻在鎮署後土神廟右石高四尺七寸五分廣

二尺二寸五分中缺古滄浪落暉五字

重修茂名縣學明倫堂記碑篆額正書茂名黌宮始建於

洪武辛酉至正德庚午下文缺振當日尹茲土者豈

於本原之地蔑視之下文缺之也朱公莅邑□□每

綽綽有餘裕見堂下文缺於是謀於掌教徐君司訓

黃君暨弟子員下文缺公曰□俸以給而於帑固無

索也又以爲學下文缺公費不累日得無速成不堅

牢之虞乎公曰下文缺鼓勇勝於口口口年四月

之甲子落成下文缺奠之而師儒儆業之有地矣徐

君等雀躍下文缺辭竊聞學也者所以學乎聖人之

道也聖人下文缺繪若景星慶雲而於吾道有所增

抑豈以堂下文缺崇廟貌肅觀瞻也堂而暈飛昭煥

也則景仰下文缺之奮心生則不必一克念之即為

聖人而此性下文缺人而此性之靈將以無所觸而

餘也夫天理之下文缺激發性靈之大機括也耶夫

泮水古無詠也魯下文缺心謂之樂一泮成而環魯

之逢掖皆思薄采以下文缺堂則歌之日築之登登

有革其楹我心戾止聿觀下文缺暇豫雍容為瞽宗

俗舞及百執事而登斯堂則歌下文缺世同鳴也與

茂名縣志

卷八紀述

金石

七

雖然公考亭裔也遐不作人之雅懿下文缺安人徐

君名櫛閩人王君名度陽朔人而二尹遂下文缺萬

歷元年歲次癸酉十月之吉信宜縣儒學教諭甌下

文缺 採 訪册

右碑在永安倉內光緒五年邑人改倉為茂名義

倉掘地得之碑之上半段字跡尚存款存二十字

案府志是時信宜教諭黃鍾福建甌甯人總其事

者知縣建安朱洛教諭閩縣徐櫛訓導陽朔王度

皆見碑內而茂名巖宮始建於洪武辛酉十四年亦

可徵信矣光緒十三年移置府學宮

萬壽宮碑記篆額高州府茂名縣梅棗龍涪墟創建萬

壽宮碑記其眾信樂施資財芳名開列於后名不錄

皇明天啟元年孟春吉日創建住持僧如敦同勸緣
徒性恩性璵性瑋同立上同

右碑在梅棗墟萬壽宮

重建北方真武玄天上帝廟記篆書萬曆壬辰歲仲冬

吉旦賜進士第行人司行人 欽賜一品服色持節

宣諭朝鮮國王順德薛藩撰 戊子科中式舉人順

德盧雲書并篆上同

右碑在梅棗墟雞行街上帝廟

新闢發祥寺碑記篆書文賜進士第徵仕郎翰林院

檢討雷陽鄧宗齡撰文舊志悞刻作創賜進士出

身中憲大夫浙江按察司副使奉敕整飭金衢兵備

致仕前南京禮部儀制司郎中郡人李一迪篆額

茂名縣志 卷八紀述

金石

七

江西淮府金華王教授郡人李鎧書丹萬曆戊子歲

孟秋吉日立上同

寶光塔碑篆額 多殘缺文賜進士第禮部尙書王弘誨頓首

拜撰 知府俞嘉言書 皇明萬曆二十三年乙未

仲春立上同

右二碑向在發祥寺內咸豐六年寺圯於水二碑

棄置塔側風雨剝蝕光緒十三年仍移立寺門外

南北壁

道府縣德政碑正書吳川縣鋪腳村告準革弊立碑緣

繇序鋪腳村連界梅棗閩粵禱居從來年舉鄉正講

明 聖諭以勵風化暨被火枝應答官府口無承買

本縣動用物件至萬曆四十五年弊改本村輪流供

辦並無發價只票着該村買司隨後領價三分不能
及一中閒不敷價銀悉係該辦賠賊積算數兩焦釜
貧艱之民苦於營貲甚至典鬻妻孥骨肉仳離殊可
痛惜謝□等以次輪及傷心駭目奮然求解倒懸之
思乃會鄉正胡彩潘園阮非□等赴署高州府理刑
推官韋□□分守嶺西道李□呈爲亟陳慘刻苛弊
籲天詳諮以蘇民生事蒙批仰府查禁報□呈到府
看得茂名自有茂名之鋪行吳川自有吳川之鋪行
雖梅菜鋪腳村界在茂吳之間在茂名取動用十之
二吳川取動用十之七八蓋茂遠而吳近也梅菜地
界民社一分屬吳川二分屬茂名吳川城中人家稀
微□無市塵故動用盡取之鋪腳村鋪腳村雖有民

茂名縣志

卷八紀述

金石

三

居而貿易之商不與焉旣名爲鄉村以其爲□也貨
物皆在墟市但以其爲部民而取之取之則羣而買
之墟市以應初猶給價相治日久以爲真鋪行也并
價不給矣年復一年官復一官長此安窮此謝衷胡
□之所以鳴也竊以爲官之動用責之民間動稱官
買所便宜有幾價之不給未必皆官之冒昧而衙門
之湮沒也以後嚴禁不許票取一物凡各動用俱發
現銀平價買之梅菜大墟庶鋪腳之民其有□乎同
呈到 道蒙批如請立石永革照民價平買繳府□
繼上 本府海防廖及 本縣吳俱準示勒石永革
天啟七年仲冬

上同

右碑在梅菜墟今赤水司署前茂名地界

案文內道府縣未列名查黃府志天啟朝海防同知廖穀理刑推官韋泰福吳川縣吳夢鼈惟分守嶺西道李佚名

仙易亭夢記

篆額

補奠夢裏易學真僊文

文見古蹟門

永歷

三年歲次己丑菊月楚斬水郁文初撰

同上

右碑在城西仙易亭

案永歷己丑

國朝順治六年

三賢祠碑

橫碑無額文見古蹟門行書

康熙四十有四年歲次乙酉

孟夏闔邑紳士公記

同上

右祠地碑置南關外官義學光緒十三年移置府

學宮

茂名縣志

卷八紀述

金石

三

雜錄

縣東焦林堡大窩村石盤銅龍有五相傳永樂閒潘公守郡沙公領邑相得甚歡潘公解組歸買金蝦五條封寄沙公則五龍也倏去之龍山田之深潭或隱或見可見不可捉近山居民多啾唧疑其為祟三月十五日見銅龍五聽人取之移貯石盤注水而潭水忽乾遂以是日為五龍誕祈雨立應此神物也沙公憂之私以贖易真去之日攜至中途飛回者三今石窩廟祀五龍並祀潘真人沙舍人舊府縣志舊志案永樂閒職官並無潘公沙公然迎龍禱雨無不靈驗云

電白縣舊址中有夫人城其城磚小而光澤如硯石相

茂名縣志

卷八紀述

雜錄

七

傳為譙國顯聖所築一夜而成又土人掘地往往得窖窖中有米堅如石煎湯服之可已瘟疫傳為洗太陳倉米同上

案電白址在今縣東四十五里寶鴨嶺側土人呼為舊城

信宜水西有老嫗者偕其婦孀居婦出汲常遇一男子自河中出與之合後閒饋魚以食其姑已而婦有孕姑詰之婦以前事對久之產二子俱入水中婦卒而葬風雨大作河水泛溢將婦柩移去易大石棺而葬於東灣今之龍灣王志灣字上有母字是也或謂其棺尚在石孔水沒不可見云同上

案龍母灣在今大井墟下四里舊府志作信宜地

誤相傳河水深穀價賤河水淺穀價貴歷驗不差
劉海者石首人知高州府事時值廣西猺賊入境民攜
家避賊海皆閉門不納城外積屍數里犬食者皆肥
膾海乃烹犬食之時有城裏人食狗城外狗食人之

謠皇明典故記聞

歐太宜人同鄉李邦直母也少失贈君家貧子在襁褓
上有高曾祖考四代七柩未葬宜人旦夕抱孤哀號
其旁一夕風雨大作忽失柩所在詰朝奔索則已瘞
於梅菜之金盤山尙有半柩在土外可識七柩次第
不亂因畚土封之遂成名墓云形家豔述號金盤堆

果山黃府志

案李氏世德錄李尙書廷相誌歐太淑人墓曰先

茂名縣志

卷八紀述

雜錄

七

是盜起桂林之墟茂名屢遭兵燹自李之高曾祖
考妣以逮贈君凡七喪未葬太夫人泣且奮曰繄
未亡人之責也斬得一善地以安先人之體魄後
竟得覃村風氣最勝太夫人乃攜抱厥孤殫瘁罔
恤凡三越月而七喪畢舉云云可知風雨失柩之
說乃後人好怪之詞且金盤山在江口堡之覃村
與梅菜相離四十里梅菜李氏墓卽葬歐太宜人
及李罔卿者舊志誤

李都諫學會爲諸生時嘗出遊夜歸有美婦邀於路曰
妾迷路歧願附君子驥尾李諾之遂坐於身後婉孌
依依若將親狎者李密以汗悅束之急着鞭抵家婦
求下甚切曰妾實非人聊以試君耳幸釋妾別作生

涯君異日當入諫垣名闕宇內毋忘妾今日之言也
語未竟家人持火出迎則背負一片爛板耳斧之有
血後李貴如其言上同

知府吳國倫郡治東齋四首城枕蠻江曲堂開署閣東
總無神爵異不忝素絲風尺地何常主浮雲此暫同
閒來隱几卧猶似鹿皮翁石上花新集朝來雨亦
宜不知身萬里且得酒盈卮笛裏聞蠻曲絃中激楚
辭徘徊秋夜永烏鵲浪相疑退食循迂徑披書面
短牆從容修卉石彷彿在林塘只苦烽煙迫兼之簿
領妨隔年呼小吏無入蓋公堂瘴霧無時黑秋花
亦自紅僅堪居海叟猶復比園公促膝羣星聚支頤
萬態空向來虛運璧只合老湘東上同

茂名縣志

卷八紀述

雜錄

三

吳國倫發高州留別鄉大夫詩羣盜初平淚未收除書
遠作夜郎遊無能未附循良傳欲去仍含喪亂憂戰
後郊村餘古木尊前風景似并州他時父老應相憶
萬里雲山望海樓別諸生詩荒村古堞三橋西新
鬼夜號猿晝啼楚客長征日黯黯蠻兵在解天淒淒
頻年化俗半音甫萬里傷心多鼓鼙門下諸生總鸞
鶴何人先擇瓊枝棲上同

明南海陳堂題李我山觀察父子三蘇圖三蘇圖者李
我山先生父子像也先生以名進士初守夷陵循良
最著歷杭郡承禮部尙書郎僉廣右臬晉浙東憲副
使所至俱以風節稱其爲政便於民不便於津要大
姓故亦不得大用比歸林居日與其二子課業之暇

徜徉吟詠甚適也二子伯曰惟順選貢生仲曰惟實萬歷壬午舉孝廉丙戌登明通榜並以文名雄嶺海而仲子聲稱藉甚云先是我山先生嘗夜夢蘇文忠公降於庭明日惟實生占者以爲夢協今瞻其像巾服蘇也文章氣節跌宕磊落蘇也父子兄弟聲名冠於一時蘇也三人者揖遜容與若有所授受於父師談說之閒亦蘇也圖曰三蘇其誰曰不然夫人有生於千百載之後而同符於千百載之前不數數見也孔明比管樂叔度比顏子或以自許或以名稱史傳以爲希豔余曩與我山先生共事兩浙茲復樂與其仲子游知先生父子最深其可以無言耶乃爲之贊焉其辭曰用舍因乎時行藏係所遇信然哉觀明允

茂名縣志

卷八紀述

雜錄

七

父子迴翔於嘉祐治平之閒雖未可謂不遇然終以骯髒忤於時宰轆軻僅以文章鳴世乃若我山先生當時盛熙洽之朝雖未究厥施而敷歷中外循良風節之聲炳烺如一日也今仲子惟實氏握珠抱奇天子固臨軒待之一時諸碩輔又皆休休有容不啻如韓魏公歐陽文忠公之知己也然則三蘇圖僅得其像之似者耳至於所遇隆盛蘇云乎哉

採訪

案南海志陳堂隆慶二年進士嘗爲巖州推官李氏世德錄我山名一迪惟順名元若惟實名元暢

明歐大任輓李我山觀察云大茂甲千峰冲融秀氣鍾一官秦執法五禮漢司農經學傳韋相才名表李邕

陵今稱下馬人拜若堂封

李氏騰馥集附錄

明歐大任奉答李惟寅
中紫籀冠游息時時寒
晴望千山色江閣秋生五月寒半幅練裙誰解識欲
扶殘醉向君看採訪册

國朝順治四年丁亥二月高鎮總兵周朝兵丁搶掠並
奪洗太衣妝忽犯瘟日死數十人周朝亦病頭風頸
不能轉召醫高維岳調治益劇遂殺岳父子既而夢
一冠帔老婦曰速收刀毋傷我百姓否吾不爲汝情
也驚寤詢之有述洗太以告者朝乃設醮虔謝換衣
冠民稍安兵瘟漸息節亂離見聞錄

六年己丑李明忠踞高州開考應考者不論文字捐穀
三十石準作秀才一名節王志

茂名縣志

卷八紀述

雜錄

七

十年癸巳八月平藩標下副總陳武參將李之珍發兵
剿化吳兼率茂名林符會鄉民上自王嶺牛灣雙牌
梅棗博鋪下至吳川之東西水散捉亂搶十室九空
百僅一存節亂離見聞錄

叛鎮祖澤清之變僞授閩人陳炯宏爲糧捕通判督徵
下坊里夫役銀米或有不足於供者炯宏知其不畏
敲撲也截竹爲筒舂艾於內置尻尾骨燒之痛苦難
堪呼爲艾火陳黃府志

漁洋山人送耿承哲赴高州推官五律二首信宜李學
博世芳從精華錄中鈔示耿名宏起行三尙書同里
人順治己亥進士舊志職官未載其人攷高州推官
於康熙六年裁疑耿未到任而缺已奉裁故志不載

耶漁洋一代大家其詩不應遺棄為補記於此其一
云見說高涼郡遙遙八桂鄰駱田潮上下鸞弩瘴冬
春蚌暈還珠浦冰綃獻海人酌泉君有意知不厭清
貧其二云何代名藩地軍城徧草萊轅門飛鳥落行
殿野棠開感激硃洲蹕悲涼洗氏才撫時思將畧巾
幘亦雄哉同上

康熙閒鄭公培入粵赴高朱彝尊詩以送之云入閩閩

有灘度嶺嶺有關勸君舍仙霞勸君踰常山一帆餘

干漾三板茶磨盤曲江水沄沄大廟峽攢攢秋深高

涼郡郡守當之官注鄭梁字禹相慈谿人為高州守善山水有曉行詩最佳人呼鄭曉

行英英玉堂彥戟舍有餘閒好賢若緇衣為子具館

餐况有王大令原儒雅足盤桓蕉椰實堪飽橄欖香

茂名縣志

卷八紀述

雜錄

七

不酸一丈孔雀尾雙丫公孫蘭青青篋篋竹恆覆屋

數閒此鄉洵可樂何時方來還暇過五羊城越臺尤

壯觀番番三老友謂梁陳屈三子為我報平安曝書亭集

王賓臣瓊州府瓊山縣學廩生也康熙十九年應貢候

考於高夏秋之交久苦亢旱人心如焚賓臣自稱得

祈雨祕訣邑人請禱七月十二日建壇於觀山寺是

日四郊微雨獨不及城賓臣以為風過多腥此妖氛

非所以應我也得無與事諸公未必先期齋戒乎或

戲之曰技窮耳何歸咎他人為賓臣取盃水以片紙

畫符投之曰能飲此則果否齋戒立辨卒無敢取飲

者當事憾焉賓臣遂屏人於二十三日自詣寶光塔

第三層步罡密咒語住僧曰今日必雨且雷從南來

吾故無恙若夫自北吾無死所矣行未幾雲冉冉
起自西北雷聲雨勢並集如偃俄而塔中燔出賓臣
仰臥以僵疑其爲雷擊死然絕無雷擊痕也督學使
陳肇昌聞其事爲還其額貢以慰之且遣祭焉其文
曰天道之不爽兮豈淑德而云亡斯民之塗炭兮值
蘊隆之方張憫災禳之流行兮蓋善則降祥不善則
降殃昔司牧之善政兮虎北渡而蝗不入其鄉苟積
誠以感格兮自不遠而復常胡謬謬其罔知兮挾術
以觸天威固亦謂大兵之後有凶年兮將與造物爭
此才遺倘上天懲爾之愆返爾之迷或賜斯民以淋
漓兮則子雖得罪於天不可謂無濟於羣黎吾其還
子額貢以慰子沈淪之悲嗚呼哀哉尙其知之三十

茂名縣志

卷八紀述

雜錄

平

七年旱復行禱雨之事有敘述賓臣始末者邑令錢
以豈慨然曰爲吾民而殞其身身雖歿其魂魄應留
於此也因拜於賓臣死所爲文以祭之惟君瓊山髦
士茂嶺萍蹤適逢旱魃之殃曾啟靈符之祕不惜殞
身於頃刻終能致雨於滂沱捍患禦災允無慚乎祀
典來蘇潤槁端有賴於神靈茲當舉趾之期久切瞻
雲之歎敬行祈禱愧感格之未通念切痾瘵慚拯救
以無術稽諸掌故備悉前因敢羞薦於几筵宜降歆
於冥漠伏望賜之甘雨回天意於崇朝植此嘉禾慰
民情於當厄有祈必應致報難忘尙饗隨大雨四日
因令嗣後凡禱雨必並禱於賓臣以爲例

見王志方伎門

縣南高涼堡五甲迷瓊坡舊傳宋時有一炁道師失其

姓氏有道術嘗因久旱激言為四邑人即
此葬焉每旱魃為災按其科書設醮莫所輒獲甘露
今立碑歲祀焉同

康熙初廣潭楊人龍嘗徵租於電白盜帥馮鵬四者慕
人龍名卑禮請相見人龍欲藉是說之降軍騎詣焉
歡飲席開慷慨陳說利害舉寨環聽各益動鵬恐其
搖眾偽更衣潛召心腹殺人龍其帳下兒義之不直
鵬執壺目人龍曰酒人龍覺起如廁從間道疾走途
遇樵者解金釧易其衣笠負薪行歌於道賊追至人
龍故踞地敲石火吸煙賊遙問見某衣冠者否人龍
曰有之從某路去矣賊反追人龍乃徐徐返 花山
主者劇盜也視馮鵬四尤驍悍人龍收租梅菜為所

茂名縣志

卷八紀述

雜錄

全

執囊而懸諸梁索千金贖人龍處囊中大笑曰奴才
哉禮乃公乃公為汝陳方畧並以家貲助汝軍餉南
越王可為何千金也賊出人龍與談大喜傾心待之
人龍具得其要領乃密遣僕陳計於總兵粟養志請
為內應粟故與人龍友善得書立遣遊擊某如人龍
計揚言討他盜而夜移軍疾走詣花山先伏兵於左
右深箐小徑申次以一軍軍其門盜昏睡中驚起請
人龍畫計人龍曰若從左右小徑中潛下拊其背我
領千人開門壓擊之茂不勝矣賊出伏發花山殪人

龍乃開門納遊擊撫其餘黨梅菜遂靖

據廣潭楊氏族譜

帥堂文昌閣神像相傳昔有往省應舉者羨此像之美
禱於神願長奉祀遂買舟奉以歸風行如飛不數日

抵家

採訪冊

城西仙易亭與觀山寺隔江相望鐘各一口康熙七年置相傳擊仙易亭鐘則有火災擊觀山寺鐘則有水災歷驗不爽故置之不用同上

城北七十里土名雲霄嘉慶十五年山旁崩出泥粉潔白如雪無點沙泥雜之時值米貴各鄉貧戶取之煮食有販至鋪戶充豆粉薯粉藕粉及為糕餅皆不能辨也後鄉人以上封之乃止黃府志

道光丙申四川張崇恪知茂名縣事時縣西有花會廠歛錢賣字男女混雜最敗風俗日者崇恪忽叫健役數名坐肩輿請所向曰過觀山又請所向曰往頓梭至則召健役耳語曰往桂牌某家捉花會若洩惟爾

茂名縣志

卷八紀述

雜錄

全

是問役導之將至舍輿步入廠忽執其號簿賭具役大叫曰官捉花會則皆驚走執其主者回署懲之採訪冊

乾隆四十四年大饑人多失食廩生陳鴻徽請各鄉紳士開具該鄉人數酌賑以穀不足又向知縣曾重登稟請申詳大憲發倉穀給領藩司深嘉之獎以為善必昌扁今猶懸祠中鴻徽乃縣南椰子村富翁仲豪四子可謂能善用其父之財者也同上

縣南山頭村恩副榜利道炳家殷厚田連千畝凡佃戶至其門雖極貧困必與之坐談款洽如賓友輸租穀時或虧升斗不令填補充數同上

新會李有祺高州雜詠板屋繩牀野草生四鄰人靜抱

孤檠開來旅食思坡老粥煮黃雞賣到明 安胎采
得白花新覘婦狂謫號令伸大府更深闌閣開揚戈
吹角打胎神 寫出愁腸九曲閒上宮灣又下宮灣
生憎水少江湖信祇送郎歸不送還 不炫花鈿不
炫鬟藍巾三尺裹紅顏遇郎最怕人多處省得相呼

陌路閒

夢鯉山房詩集

順德楊康高涼竹枝詞阿儂不着柳絲裙窄袖輕衫拾
翠人生怕春風頻識面家家兒女裹頭巾 茗園春
嫩一旗開衆綠叢中笑語來壓擔盈筐歌載道今朝
新洞采茶回 江干黃竹女兒箱歲熟村莊嫁娶忙
終是孃家情誼重妝奩添置合歡牀 連宵春雨綠
成圍布穀聲聲喚夕暉料得今年農事好囑兒石鼓

茂名縣志

卷八紀述

雜錄

全

買牛歸 鑑水飛來月一丸照儂心事劇團團願郎

好比觀山靜莫更揚帆過石門

淡香吟館集

吳川林召棠茂名道中詩片片飄花點客衣歸畊又與

素心違青蕪重擬尋丹井春水無端別釣磯銅鼓湖

邊春雨細木棉江上鷓鴣飛鞭絲帽影催人老已見

紅蔬綠漸肥 過新洞詩長林夾路晝冥冥十里肩

輿曲折經日影衣邊浮淡碧松聲天外落空青木奴

幸可收千絹寶帶何須覓萬釘欲問橐駝求種樹荷

鋤長擬學園丁 歲暮自茂名至信宜乘舟而歸偶

詠憶別鑑江路征塵又五年亂山圍塔小曲水抱沙

圓紅燭故人酒清霜來雁天宵深聞畫鼓城近好風

傳

心亭亭居詩存

瓊州張岳松吳贈君溥淵墓誌銘書倣歐陽詢碑在縣

南百里高勞龍手山採訪冊

吳川林召棠黃教諭質菴墓表有趙孟頫道教碑筆意

碑在縣南九十里蘆荻土地山同上

沈翼龍號敬齋縣南元屋嶺人年十三諸經背誦如流

點畫形聲不訛謬徐學政士芬取進縣庠家貧教讀

營生歲時歸省不入內寢所業經史詩文不去口鄉

試疊薦不售不作忿戾語嘗曰作鬼得讀書死亦樂

也無子卒年四十餘同上

咸豐十年江南都司陳定安由欽廉募勇道出謝雞虐

歇店主俞某卽縛之去其子姪工僕追救之至大路

坡被慘殺六人歲貢容福培時爲謝雞練長忿然曰

茂名縣志

卷八紀述

雜錄

齒

此事如何了力控府道詳督撫竟礮都司職挈辦同上

嘉慶閒添弟會邪教本名天西粵最多道光末年流行

東省其稱同教者曰龜公或曰手足不入教者曰羊

牯年高者曰老羊頭曰牛仔招黨曰招馬十人曰一

兩馬百人曰十兩馬豬肉曰白瓜牛肉曰紅瓜荖曰

青礮曰黑狗礮響曰黑狗吠藤牌曰碟刀曰麒麟錢

曰銅葉又曰穿心錢串曰錢皮旗曰大丹火藥曰火

粉總謂之罡口見平何凌紀畧

咸豐十一年辛酉四月十四夜潘軍自水埕退回城十

五侵晨陳逆遣黨哨至郡城東山旋驚走據云見潘

坡一帶徧插洗字旗幟參從軍紀畧採訪冊

陳金缸之亂茂北有一婦人同夫逃出賊已追及其夫

婦從後擊賊肘故作欲語賊意甚親昵復給賊往
深林中度其夫已遠去忽揮拳擊賊飲刃死採訪

吳川陳龍書云同治元年壬戌十月二十一日陳金缸

糾黨在圓山嶺近大井旁之最高峯上築巢一座俯視

我營各勇目見方統領耀已力戰受傷匪巢又近逼

齊向中軍請命方統領囑聽龍書調遣卽交銀三千

兩爲獎賞費龍書私念非出奇不能制勝况新巢未

固是夜陰雲四布雨雪苦寒於初更時候挑敢死軍

三百人每賞銀二圓傳令若破新巢賞銀七百餘巢

賞銀三百復派紅藍黑白四旗埋伏撥火藥百餘坭

備用分派已定龍書帶勇潛至新巢賊衆酣眠我軍

突擲藥包烈燄燒空斃賊無算該匪大隊擁至連撲

茂名縣志

卷八紀述

雜錄

全

三次我軍迭以藥坭拋擲火箭槍礮齊施賊不支遂

奪其巢節從軍紀畧

案如此戰功不見剿匪紀畧辛壬日記豈當時文

報未及耶

同治五年丙寅九月至十一月廣東巡撫蔣益澧三次

遣恩平開平客民四千餘往瓊州亦有安插高州者

庚午八年又有分插茂名者飭肇羅道王澍駐郡城

經理其事冊檔

光緒十一年秋有神火自電地之晏公嶺飛越至浮山

龍鬚巖下其光熊熊其聲醜三日夜不息後遂於此

立洗太廟靈應倍常光齊浮山廟記

光緒十二年巡道王之春又移插瓊州首民於高州各

郡治西隔鑑水有觀山焉為城之右護宜常蔚茂青葱昔年知府戴錫綸創建魁星閣於山頂培風水也邇來西南角林樹蕭條矣光緒十四年正月署巡道王之春補種樹數百株使秀氣凝聚歌以紀之并刻諸石古來樹人如樹木百年十年分遲速即今樹木仿樹人敏政敏樹皆精神觀山山上何青葱一時著手都成春疏疏密密有條理生意盎然竟如此天南對插文筆峯魁星傑閣矗雲起循環四麓致周綴蛩蟪縈抱鑑江水來龍去脈眇遙深真氣蟠互爭崎崿醜化幘幘雲嵐重一草一木皆鬱森形勝家言至足據濟濟多士應如林繞閣輪糾三百樹轉眼妖蔓當成

茂名縣志

卷八紀述

雜錄

全

陰綠陰十畝入畫裏攢柯交葉紛纒纒扛天縈地將有人豈異公門種桃李若詢手植伊何人為道清泉王氏子採訪冊

郡城內外扁聯之有筆力者研經砥行扁學政翁方綱書聯云

白水盟心看門外清江似鑑青雲得路願山中古井

生花學政戴熙書俱在提學署大堂高詠堂扁狀元翁同龢書明體達用扁

聯云學有根基培養堅時乃擔得聖賢許多事業

士先器識源流貫後方做成民物莫大文章巡道朱桓書俱

在高文書院拄笏神怡扁 源頭領會扁俱知府楊匯在世傳通判

胡熙書俱在觀山寺觀心閣扁巡道朱桓書尚義名區扁 聯

云愧我難登循吏傳此邦真有古人風在南關三台端

拱額在文明門樓何天之衢額在常平街俱邑生員陳廷彬書

輿地志

山川

錫塘嶺

邑南之西三十餘里有山曰石屋石屋偏東岡巒俱錫塘地方土人或以連綴者為大山嶺以尖聳者為錫塘大嶺採訪冊

物產

觀音木

大者合抱小者空心皮多白汁可代漆貼金葉深青色子如包粟米吳川志稿光緒戊子梅萊黃坡染疫症者取樹皮煎水服之雖危亦愈加番薯葉同煎更妙吳川謂之鸚哥木採訪冊

蜥蜴

西夏謂之守宮楊子方言在草曰蜥蜴在壁曰蜥蜴說文蜥蜴一名守宮爾雅吳川志稿曰據東方朔傳是非守宮即蜥蜴守宮蜥蜴分為二物當以爾雅為正

螺贏

一曰蠟蠃音噎翁象其聲也一曰蒲盧古人名物皆取形似蝓之細腰者曰蒲盧故名蜂如之詩螟蛉有子果贏負之鄭箋云螟蛉桑虫蒲盧取桑虫負去媪養之以

茂名縣志

輿地

補遺訂訛

企

成己子法言曰螟蛉之子產而逢果蠃祝之曰類我類我久則肖之陶弘景曰螺贏作房并竹管生卵如粟粒取草上青蜘蛛置房中塞其戶為子糧負之者蠃之也詩蓋以螺贏蠃子象人之穀其子箋疏及楊子之說疏矣說文引詩謂天地之性細腰無雄負螟蛉子為子非也段成式亦云齊多蠓蠃祝聲可聽聞而視之悉是小蜘蛛以泥隔之乃知不獨負桑虫也竊宗奭云嘗拆窠視之果有子如粟粒所負青菜虫卻在子下不與虫相著陶說近之李時珍言親驗其卵及細腰雙雙往來必是雌雄陶冠說是也解頤新語云細腰自有卵如粟寄在虫身其虫不死不生久則漸枯子大食之而出列子言純雄無雌莊子言細腰者化自古已失之矣吳川志稿

菩薩魚

俗名異魚經謂之鬪魚

金雞蟲

食龍眼花立盡大寒節場師必搖樹使蟲落盡乃掃除而溺之非大寒節雖搖樹不落也阮嶺志氣臭俗名痾屍蟲採訪冊

獾

李時珍云狗獾曰獾豬獾曰獾相類似而畧殊俗呼豬獾曰豬兒獾邑內均少有

建置志

解署

演武廳在較場歲久傾圮僅存第二座不蔽風雨光緒

十二年九月知府楊霽籌捐脩復節錄諭稿并批示

得郡城北門外箭亭為高鎮閱兵及武童校射之所
近因公項支絀年久失脩多半傾圮而試期在即別
籌經費亦屬緩不濟急查光緒六年各文童捐脩
文廟舊章可仿擬令本屆府試武童各捐錢壹百文
以資脩理事屬可行云云又查校射時各屬廩生親
到認保向無稍憊處勞不可支辦公為難擬在正廳
左傍建設認保公所一座洵屬美舉但經費不敷仍
擬於各武童所收壹百文外再收伍拾文府試各武
童繳到該派保處彙繳茂名總局辦理云云
案是月十三興工十月二十六竣工所有演武廳上座兩
房中間甬道兩邊橫廊二座屏門大堂兩旁通檐簷
外階級及平臺左旁認保公所對上廚房均經脩建
完固計用錢柒百貳拾柒千有奇又升豎汪學憲扁
額脩整馬路及脩認保公所又用錢叁拾陸千零十
三年彙稟報銷蒙批據稟已悉演武箭亭係閱兵校
射之所此次各屬武童捐貲脩復并建認保公所以
補遺訂訛

茂名縣志

建置

夫

備憇息具見好義急公但此後不得援
以為例并即泐石立碑以垂久遠檔册

普濟堂

光緒三年知府張聯桂審結石城郎中職江國
鋪案酌撥該職所捐銅錢壹千伍百貫交該職
江泉興當生息每年取息壹百捌拾千以錢易銀作
壹陸申算計銀壹百壹拾貳兩伍錢充孤貧口糧同
上

電報局在後街忠賢書室光緒十三年署巡道王之春

稟准開設忠賢因聚賭查封故局設於此王巡道稟

通者盡利今日之電報遠勝昔日之羽書者因時而
變通之者也職道攝篆高廉控制兩郡伏查兩郡形
勢負山濱海管轄千有里素為嶺南要區就當日
而言廉如門戶高寶堂與是屬法保護北海通商
高州居中以馭外也今則重於高故議者欲移道
則廉為首衝高為次衝是廉重於高故議者欲移道
署於廉州治外以安內也內外重輕之辨明即強弱
安危所由繫此古今形勢之不同也第兩郡相距五
百餘里成局驟變兼顧本難重高而輕廉不可也重
廉而輕高亦不可也職道之愚以為移道署於廉州
不如置電綫於高州其所以移署廉州謂北海之情
形易悉邊防之消息易通也

一室呼吸皆靈氣無偏重偏輕之憂猶是宅中制外之舊按高州至省陸路動需十餘日即由廉州轉電亦需五日尋常公件尙恐稽遲萬一事關中外機在旦夕其貽誤良非淺鮮職道昨自勘界歸見欽廉一帶沿途棄積電桿不少與其雨漬口蒸悉皆朽盡何若移緩就急取攜甚便擬將電綫由岸步經石城化州至高以直取綫計長二百四十里所費無多所關甚大一舉兩得事半功倍之職道昨與電局代辦沈牧嵩齡商議據稱雷州商報無多儘可將雷局移置岸步雷州即有要件亦可由岸步電陳等語如此則僅高州設一分局藉收商報尤無糜費之虞是以不揣冒昧瀆陳憲聽如蒙俯允即飭欽廉各分局先將電桿檢齊運至岸步刻日興辦并飭駐廉防勇幫同興作葺事尤易以後邊情軍政以及交涉要件一有見聞隨時可以上達此亦因時變通速於置郵傳命之意也十三年七月十三日

壇祠

倉沮二聖

案沮聖姓沮名誦黃帝命倉頡為左史沮誦為右史見鳥獸之跡體類象形而制字衛恆口體書勢云黃帝之史沮誦倉頡眺彼鳥跡始作書契是也宜二聖並祀節石城志稿

墟市

茂名縣志

建置

補遺訂訛

完

梅菜墟嶺西一大都會也考長壽寺碑記墟舊在今梅

菜墟東北一里許曰梅菜頭明天啓閒乃遷龍溶龍

溶今日市場也本梅姓陸姓創始故曰梅陸墟後更

為梅祿見吳震方嶺南雜記又更為梅彖見魏季子集近又更彖為

菜為麓俗傳此地乃高力士花園故址美無實據考

舊唐書唐時潘水縣其南有博畔鎮潘水故址在今

博鋪鄉南距梅祿僅四里然則所謂博畔鎮即此墟

無疑方順治時屢遭兵災康熙初元氣漸復故魏季

子禮海南道中詩云市月裁起行閒日及梅彖富麗

田下粵舟車湊若輻蓋康熙十三四年時也未幾祖

澤清叛馬雄蹂躪民不聊生矣故季子歸途詩云如

火一梅彖旋過輒已非市留宿賣肉人有坐支頤隋

得幾年盛秦為萬世期秋風來漸瀝敗葉滿天飛歸
意失艱險緣途別賣舸賊艘依暮發客路任天過露
滴鬚眉溼風恬夜水波中宵只靜對翻得月光多據吳

川志稿

宗祠

蕭弼臣公祠

在石漕三華鄉祀三世祖庠生蕭維周

鄭氏宗祠

在飛馬村祀始祖明進士內閣中書銜鄭思

鄭存志公祠

在飛馬村祀房祖明原登賢書省志祭官任主部巡檢司鄭存志

鄭樂埜公祠

在飛馬村祀房祖處士鄭樂埜

鄭國柱公祠

在飛馬村祀七世房祖明布政司都事鄭

鄭華山公祠

在飛馬村祀十二世長支祖明布政司檢

茂名縣志

建置

補遺訂訛

卒

阮氏宗祠

在巍屋鄉五角山祀始祖明高州教授阮福盛

彭氏宗祠

在嶺腳村之竹坡山祀始祖明處士彭仲真

以上縣南

余氏宗祠

在穀籠鄉溷水村祀十五世祖馳贈文林郎庠生余茂岳

余黼卿公祠

在南塘鄉綠坡村祀

梁氏宗祠

在南塘鄉白坑大坡村祀始祖明庠生梁朝才

黃靜軒公祠

在高望鄉百男郡村祀八世祖授登仕佐郎黃會仁

汪氏宗祠

在大井深域垌祀始遷祖汪欽

曾徵君公祠

在南塘鄉醇村祀二房八世祖考授通判優貢生曾士奇

以上縣西

吳氏宗祠

在東岸墟背祀各房祖庠生吳國璽庠生吳勳臣廩貢吳仕臣庠生吳佐臣議敘訓導廩

貢吳鵬

梁氏宗祠

在先覺村祀始祖梁福成

吳爵山公祠

在大坡村祀十四世祖貢生吳若嶽

吳敬山公祠

在郎韶堡雙橋村祀登仕佐郎吳伯雲

以上縣北

茂名縣志

建置

補遺訂訛

空

經政志

學校

志伊樓郡人爲護道伊霖建以其有助於高文書院也
 先是咸豐初年院後楹頽壞六年郡人醵金爲伊道
 壽餘錢陸百玖拾千伊道不受撥作脩院費合郡亦
 捐題脩理因於光霽堂上建樓一層三間以祀伊道
 甫落成遭大水東西齋房盡圯九年合郡再捐并培
 築城西寶光塔計興工兩次經郡人梁巍陳蘭彬先
 後董理共糜錢捌千壹百貫有奇而書院煥然一新
 矣凡官紳題錢百千者俱列牌位樓上紳并得祿位
 房同治五年刊簿官牌十紳牌七十一春祭以二月
 初五遇院試年大有祿位牌之子孫方得與置得長
祭無定期

茂名縣志

經政

補遺訂訛

三

田疇等洞加六斗實租肆拾貳石曹落洞租錢伍千
 志伊樓名下民米壹石叁斗肆升貳合祀事餘錢儲
 積秋祭以八月十八合郡紳士得與書院原河溝租
 除壹百陸拾千送山長薪水外餘爲秋祭資及脩葺
 之費參志伊樓祀規現今添設官牌五俱有助於書院者紳
 牌十三則同治十一年捐脩京都會館者採訪冊

兵防

那威汛在縣南那威村廟前東至公館汛十五里西至

南盛汛十八里

樂嶺今名兵營嶺汛房已圯西南至后嶺村一里北至
 大嶺村二里舊志云在本營南九十里卽此非金塘
 上之樂嶺也

人物志

武仕宦

吳鎮疆 郡城東關人咸豐間從軍江南得保舉花翎都司署貴州清江協都司

曾國賢 雷州營千總

封典

周人允 以孫周濟馳贈奉政大夫

周肇徹 以子周濟同知職贈奉政大夫

以上附城

林傑元 以孫啓祥馳封奉直大夫

林之楨 以子啓祥光署正銜加二級封奉直大夫

林世蘭 以胞姪孫啓祥馳贈奉直大夫

林之幹 以胞姪啓祥馳封奉直大夫

茂名縣志

人物

補遺訂訛

三

鄧經珖 以孫汝序馳贈文林郎

鄧鼎銘 以孫葉氏封孺人

鄧新銘 以孫林榮馳贈儒林郎

鄧汝璘 以孫鍾氏封安人

謝士猷 以孫載賡馳贈儒林郎

謝蘭階 以孫鍾氏張氏贈安人

蘇奉周 以孫副貢以子芝榮封奉直大夫

蘇芝榮 以孫鄧氏封宜人

梁懿錫 以孫如榛馳贈儒林郎

梁德儀 以子如榛州同職贈儒林郎

吳光榮 以子昌立未入流職封登仕佐郎

以上縣東

吳振韶 以孫士傑 贈奉直大夫

吳英華 以子士傑 藍翎五品銜 山西補用縣丞 封奉直大夫 妻陳氏 封宜人

吳玉瓏 以弟玉琚 同知職 贈奉直大夫 妻梁氏 贈宜人 李氏 封宜人

吳玉瓊 以子廷琛 藍翎五品銜 即補府經歷 贈奉直大夫 妻節孝羅氏 贈宜人

吳汝模 以弟廷琛 贈奉直大夫 妻鄭氏 贈宜人

吳仁全 以子伯福 未入流 職贈奉直大夫 妻楊氏 封九品孺人

鄭滋德 以子國培 封朝議大夫 妻柯氏 封恭人

鄭國培 光署正銜 加四級 授朝議大夫 妻陳氏 封恭人

鄭希智 以孫龍元 贈儒林郎 妻吳氏 贈安人

鄭成梅 以子龍元 布經歷 職贈儒林郎 妻何氏 贈安人

何智 以子承業 贈武信佐騎尉 妻楊氏 封孺人

何承業 高州把總 授武信佐騎尉 妻歐氏 封孺人

茂名縣志

人物

補遺訂訛

卷四

阮芝文 以孫華臨 贈儒林郎 妻周氏 贈安人

阮經章 以子華臨 州同職 封儒林郎 妻陳氏 封安人

江潮亨 以孫貞幹 贈儒林郎 妻古氏 封孺人

江利昌 以子貞幹 布都事 封徵仕郎 妻譚氏 封孺人

江誠秀 以孫渾亨 贈儒林郎 妻陳氏 贈安人

江元莊 以子渾亨 理問職 贈儒林郎 妻陳氏 贈安人

江毓秀 以兼祧孫渾亨 贈文林郎 妻鄧氏 贈孺人

江元瀾 以兼祧子渾亨 按經歷 職贈文林郎 妻鄧氏 贈孺人

江崧亨 見上 以孫興發 花翎四品銜 光典簿 贈中憲大夫 妻蕭氏 贈恭人

江元勳 以孫利和 贈儒林郎 妻曾氏 陳氏 贈安人

江浩亨 以子利和 理問職 贈儒林郎 妻蘇氏 封安人

江懋湜 以子元裕 未入流 職贈登仕佐郎 妻吳氏 贈孺人

陳昌五 以孫玉和地封儒林郎

陳大齊 以子玉和理問職封儒林郎

梁柳瑞 以孫聯芳地封文林郎

梁泗源 以子聯芳按經歷職封文林郎

朱尙魁 以孫丹楹贈儒林郎

朱宗熹 以子丹楹州同職贈儒林郎

易聖發 以孫隆章地封奉政大夫

易宗喜 以子隆章同知職贈奉政大夫

許清俊 詹主簿加五級授奉政大夫

譚汝惠 以子宗麟從九品地封登仕佐郎

以上縣南

李英槐 光署正職以子平山五品藍翎千總職封武德

茂名縣志

人物

補遺訂訛

聖

李達仁 以孫光耀地封儒林郎

李朝鼎 以子光耀布理問職封儒林郎

楊賢望 以子穎贈文林郎以姪頤五品銜翰林院編修

楊穎 署潮陽縣教諭授文林郎

江士衡 同知職以子泰元布經歷職封儒林郎

江士穎 監生以姪泰元布經歷職地封儒林郎

程子寅 以子善元歲貢訓導職地贈修職郎

揭翰熙 以子士嘉未入流職地贈登仕佐郎

以上縣西

節孝

楊宜柏妻馮氏 案楊氏譜有傳氏貧極而守節年二十

請旌今制守節 過十年死應旌

童儒葉德基妻江氏道光二十六年旌給銀三十兩建坊與何麗氏一案

封典

許欽和貢生戶部主事加四級授中憲大夫

吳若嶽貢生以曾孫雲屏馳贈通奉大夫

吳炯文附貢以孫雲屏贈通奉大夫

吳纘光貢生以子雲屏知府銜加四級贈通奉大夫

吳繡以弟吳綱州同職馳贈儒林郎

耆壽

李韜寅九十一歲五代同堂道

羅和宗光六年旌黃府志

茂名縣志

人物

補遺訂訛

亥

紀述志

古蹟

鎮署後龍井春夏井水滿盈冬閒水涸見底舊志謂其

與上宮灣水潛通今不然矣採訪冊

兵事

戊午八年二月西匪李四陵勾土賊謝潰三糾眾五六

千突起於軍墟旋剿平之三月羅定賊張勾七張高

建與其黨謝九斗復擾境秋九月張勾七等復糾黨

來擾我勇敗之越境窮追楊廷桂撰知府袁銘泰送行序

鄧承脩奏摺內應之呂益齋卽通判職之呂永謙匪首

武生吳昌時以西侯字爲匪名採訪冊

金石

茂名縣志

紀述

補遺訂訛

卷

蒼翠菴大鐘字體古拙參差不齊高州府茂名縣雲爐朗韶電白

堡天堂菴住持僧海見等募化眾善信口口口緣請

造洪鐘一口重叁百餘斤雲板一面鎖鍊一條在於

寶殿前永遠供用祈保風調雨順國泰民安物阜口

口天長地久口口口口邑庠吳景南口口口吳公輔

丘君傅黃口科丘繼聖丘赤中丘應中丘口口丘口

口張口昌杜奇猷男四妹王元口口口王聘臣餘殘

缺甚口治十年採訪冊

石鐘在下石狗之蒼翠菴案靈湫巖口舊有小菴

曰天堂一遷於巖外田中今仍有甄石舊址再遷於和尚

突三遷於石骨墟之上石狗卽射狼山四遷於下石狗

卽今之蒼翠菴此菴屢遷此鐘隨之則年代久遠

可知又案舊志順治初高州迭遭兵燹十年正被西師之亂爾時恐不暇捐錢鑄鐘則治字上雖殘缺當是宏字非順字

鄭綱

新舊唐書憲宗朝綱降爲廣州刺史文宗初致仕新廣州志憲宗元和綱爲廣州刺史阮通志作信

宗朝鎮番禺誤

雜錄

光緒二年署道何應祺刊示立碑曉諭爲曉諭遵照事照得高屬民風向稱馴樸近來陋習每有將產業賣斷與人投稅過割多年忽然備價取贖或謂子弟贖賣或謂局賭勒寫或謂勒價指贖任意講張混行控告因之遂有搶割械鬪等事推求其故緣從前田價便宜此時田價騰貴欲照從前賣出之價以得此時

茂名縣志

紀述

補遺訂訛

卷

便宜之田又因道光季年以來地方多故急於賤價售人現在復圖取贖轉賣圖利又有初賣之業係屬新闢荒土經買主種蒔落肥耕熟樹藝易生垂涎膏腴亦有明知田不可贖意圖買主周濟迨所求不遂爲棍徒挑唆遂致成訟而官吏之顛預者竟有斷令準贖或斷令買主找貼銀錢奸徒以爲得計刁風愈長查絕賣之與典押契據迥然各別即使公置產業爲子弟盜賣但能向盜賣之子弟追責亦不能向買主強索蓋田產與器物不同器物可串通偷盜田產必有收管印契之人買主據契置產固不得以爲罪又查本地土俗亦有本係典業而字據仍寫絕賣但於年月之外批明取贖限期以防典業者延不繳息

一經投稅卽將原立年限裁去然此種情節百中不過一二官司訊斷總以契據爲憑卽深知原委亦無詞斷準取贖除通飭各屬查照外合行出示曉諭爲此曉諭軍民人等凡屬立有絕賣字據之產均不準取贖敢有恃強搶割者卽嚴科其搶割之罪嗣後與業之人斷不可前寫絕賣字據後批取贖年限爲典業者詐騙如以前業經受騙其年限又經裁去祇存絕賣字據亦祇照絕賣科斷萬無準其取贖之理本道體察民情爲爾等割斷從前葛藤并以塞將來弊竇各宜懍遵毋違特示

冊稿

右碑在府城隍廟門東壁

光緒六年邑人公呈城北山脈自艮塔之側落平入城

茂名縣志

紀述

補遺訂訛

矣

西有金罌大塘被人在來脈束細處挖開水溝一道引水東流並開小塘一口水溝之北有小井二口深二三丈水溝之南有大塘一口該處名柑子園再南有品字形大塘三口均屬有傷地脈宜設法培補云云當經署巡道齊世熙署知府崇暉批準并撥出罰款邑人楊蘭芳督工將四塘金小井概行填塞金罌塘水道改由周溪菴舊道作大水渠旁用甄灰甃砌面用石條橫敷引水西流共費工料錢壹千叁百員有奇旋經邑人楊頤梁文龍等聯請示禁永不許從舊處開塘浚井及東山來脈山腳平坦處挖掘取泥致傷山脈云

冊稿

光緒十二年兩廣總督張之洞廣東巡撫倪文蔚 奏

定新章除提督方耀鄭紹忠馮子材分往廣州惠州廉州三府查辦匪鄉外其通省府廳州縣凡有盜匪會匪鬪匪實在害民者地方州縣營汛務卽一體查拏審實或分解道府覆審或委員就地覆審稟俟核批正法云云節錄示諭又知府楊霽勒石於城鄉要處曉諭云奉憲嚴禁結盟拜會聚眾搶劫擾害百姓犯者按照新章就地正法族紳耆老狗隱一併連坐特示又諭飭嚴行保甲凡十戶爲一牌填明十戶姓名年歲職業父母兄弟妻子奴僕雇工名口十戶後開列鄉正副社長甲長什長姓名聲明本牌十戶內并無爲匪窩匪等情弊是爲良册又將本鄉內有抗違不遵練者寄籍者自新者歹行者於册末逐一註明是

茂名縣志

紀述

補遺訂訛

百

爲歹册十二月署知縣鄭業崇輕騎減從同紳士按各分局查辦分別懲警邑內肅然其罪重而未經拏獲者仍標明姓名惡跡刊示懸賞購拏採訪册

樂捐姓名

職員吳亨藩捐錢貳拾千文

布政司經歷職杜植基捐錢貳拾千文

誥授榮祿大夫三品銜花翎戶部郎中鄧祥恩捐錢貳

拾千文

附貢生鄧維鋆捐錢壹拾千文

鄧維燿捐錢壹拾千文

貶封布政司經歷職許汝直捐錢壹拾千文

光祿寺署正職張元東捐錢壹拾千文

布政司理問職周中孚捐錢壹拾千文

附貢生周燦捐錢壹拾千文

附貢生周煥捐錢壹拾千文

茂名縣志

頁

分界墟樂善庵捐錢壹拾千文



